


# COSMOGRÁ

PHIÆ, SEV MVNDI

SPHAERÆ, LIBRI TRES,  
noua methodo & dilucida  
conscripti.

AVTORE ANTONIO MIZALDO,  
MEDICO ET MATHEMATICO.

*Eiusdem Geographica quædam, cum docti  
Astronomi, & periti rerum cœli  
interpretis, Encomio.*



LV TETIÆ,

Apud Federicum Morellum, in vico Bel-  
louaco, ad vrbānam Morum.

M. D. LXVII.

EX PRIVILEGIO REGIS.

## SENTENTIA PRIVILEGII.

**C**AUTUM est regia sanctione, ne quispiam alius, præter Federicam Morellum, Typographum Parisiensem, hunc librum, cui titulus habetur, Cosmographiæ, seu mundi sphaeræ libri tres, noua methodo & dilucida conscripti, autore ANTONIO MIZALDO MEDICO ET MATHEMATICO. necnon, Geographica quædam, cum docti Astronomi, & periti rerum cœli interpretis, Encomio, intra septennium, absque manifesto auctoris consensu, sub Regis ditione imprimat, aut vendat. Qui secus fecerit, libris & poena in sanctione æstimata, multabitur. Concessum fuit Priuilegium Molinis, die VI. Martij, 1566.

*Per Regem in consilio.*

CAMVS.



# Illustrissimo Adolescēti

HENRICO ENGOLISMÆO

*S. sedis Apostolicæ Protonotario, &  
Cæsæ-dei Cœnobiarchæ,*

ANTON. MIZALDVS S.P.D.



LVTARCHVS scribit, Adolescens illustris. Anteam Scytharum regē, aliquando iussisse Ismeniam excellentis. tibicinem bello captū, in cœna canere. Quē cū omneis admirarētur, eique præ voluptate applauderent, solus ille iureiurādo affirmavit suavius quādoque audiuisse equum hinniētem: vsque adeò aureis habebat *ἄμυτος* ille, à musica abhorrentes. Ex huius ovo veluti prognatos videre licet hodie quamplurimos potentes ac nobiles, non dicam viros, sed etiam adolēcentēis, ac iuuenes, solo doctrinæ titulo, & diuitiarum fastu sibi eximiè placentes. Apud quos, ceu olim apud prædiuitē illum Midā Phrygiæ regem

(sed tamen auriculis asini præditum) doctiū  
canere censetur Pan rusticus & fistulator pa-  
storum deus, quàm diuinus & incomparabi-  
lis citharædus Apollo. Ad hos si quando ve-  
niunt eruditorum lucubrationes, vixdū per-  
lecta semipagella, è manibus ilico excutiūtur,  
accersunturque libelli, quorū lasciuiā pectus  
pulsat, & in venas semina mortis agit. Ne ego  
in tam iniquos iudices, & laborū ignaros æsti-  
matores inciderem, ad te, clarissime Adole-  
scens, diuertere visum fuit: qui tātū ab istis  
abes, quantū à coruo luscinia. Noui etenim  
te doctos libenter amplecti, audire, amare,  
ac iuuare: nec non Vraniam tibi familiarē fa-  
cere, tantisper dum cosmographica degustas,  
& illa studiis, prælectionibusque tuis alterna-  
tim accedere prudenter consulit doctiss. ac  
nobiliss. vir IOANNES MORELLVS, guber-  
nator & Achates tuus, nunquam satis dignè  
laudandus. Nam vnus de multis, vt est apud  
Horat. rectum nouit & vtile quid sit: quid  
preciosa valent, quid distent æra lupinis. Nec  
alia, opinor, ratione cosmographica tibi in-  
terpretari probat, nisi vt ex mundi & cœli co-  
gnitione, aspectu & fabrica, ad vnius inuisibi-  
lis & immortalis Dei sapientiam, gloriæque  
eius agnitionem ac maiestatem, ceu per gra-  
dus quosdam rapiaris, & adolescendo pede-

centim ascendere discas & pergas. Nec temere, mea quidem sententia. Nam in quo, per deos immortales, certiùs Dei æternitatem cõtemplaberis, quàm in iis quæ æterna sunt & corruptioni minimè opportuna? A quo melius Dei omnipotentis virtutem intelliges, quàm à cœlorum virtutibus, à quibus quidquid apud nos est, illo ita disponente, effluit ac deriuat? Vnde veriùs ac fideliùs inexplicabilem Dei magnitudinem, ac cætera omnia quæ in rerum natura stupeſcimus, colliges, quàm ab immensa cœlorum vastitate, omnia quæ in mundo sunt complectẽte & ambiente? Legisti apud Regium psalterem & prophetam sæpenumero, quòd οἱ ἱσραηλῖται λόγον τῷ θεῷ, ποίησιν δὲ χειρῶν αὐτοῦ ἀναγγέλλει σερῳμα. Præclarè itaque facis, Adolescens generosiss. qui vbi à consuetis studiis & exercitationibus tibi cessandum est, libenter in hæc cœli & mūdi pulcherrimam structuram incumbis: exemplo filiorum regum Persiæ: qui, vt tradit Plato, cosmographia, hoc est, cœli & mundi cognitione, à teneris imbuēbantur, vt ad imaginem mundanæ Reipublicæ, suam aliquando regere, administrare, distribuere, ac formare cõdiscerent. Sed hæc satis, vel fortasse plura quàm opus fuerit, præsertim apud adolescentem literis & virtutibus, sublimioribùs-

que rebus natum & addictum. Finem itaque  
facturus sum, vbi præclaram istam Adolescē-  
tiā tuā exorauero, velle Cosmographicā hāc  
lucubratiunculam tibi ex animo nūcupatam,  
grato hilarique vultu excipere: ac ei angulum  
quempiam in locuplete Bibliotheca tua de-  
stinare, non procul à Centuriis Memorabi-  
lium, quas haud ita pridem etiam tibi nuncu-  
pauimus. Hoc si factum intellexero, & per te  
fauor aliquis accesserit, reliquam cœli histo-  
riam, cuius hîc duntaxat fabrîcam exhibe-  
mus, simili methodo tibi depromem<sup>9</sup>: Zodia-  
cum, nimirū, cum suis partibus, adhæc Plane-  
tas, præcipua cœli ornāmēta, & Asterismos,  
seu stellatas octauæ cœli imagines, cum iis  
quæ ad illas pertinent. Interea fœlici-  
ter valebis, Mizaldi tui memor. Lu-  
tetix, pridie B. Dionysij, Gallia-  
rum Apostoli & martyris.

Anno reparatæ salu-  
tis humani ge-  
neris,

I 5 6 6.



# COSMOGRAPHIÆ ANTO.

NII MIZALDI MONLVCIANI,

LIBER PRIMVS.



*Vae sit mundanae sphaerae stru-  
ctura, quis autor,  
Quo digesta modo veniant ele-  
menta, quid illis  
Sit proprium, quæ vis, & quæ  
natura, quis ordo  
Cælorum, qui motus, & quæ*

AVTO-  
scopus,  
tuum,  
proposi-

*forma, quot orbeis,  
Deinde quibus cyclis cœlestis machina constet,  
Hic canere, & breuiter, clarèque ostendere pergo.  
Ardua res sanè, nostris quoque viribus impar:  
Audebo tamen, & mundi Rectore vocato  
Aggrediar. spernit virtus generosa labores.*

*Ergo, summe Pater rerum, Deus optime, cuius  
Tam pulchrū, tamque immensum sapientia mūdum  
Condidit ex nihilo, & regit, assidueque tuetur,  
Dexter ades, paruumque tua bonitate Poëtam  
Aspice: qui cœlos dum gestit scandere, quando  
Hic laudes celebrare tuas, tua pangere regna,  
Omni conatur studio & molimine, nugis*

IN V-  
catio.



*Quas tulit in Latium mendaci Græcia versu  
Non eget, aut Phœbo, aut Parnaso, aut fontibus Vllis  
Doctiloqui quoscunque solent haurire poëtæ:  
Solum te sitiens, cui cœlum & sidera parent.*

*Quid Mundus, & quòd diuinum numen lateat  
in omnibus eius partibus, à quo vnum con-  
cors statuitur corpus ex discordibus mem-  
bris, quod Vniuersum vocant.*

## CAPVT I.

*RRA-  
is initiū  
undi dis-  
tione, ac  
ratione.* **Q***uid quibique vides, aër, cœlū, mare, terra,  
Et, quem nō spectas, ignis cōterminus astris,  
Vnum constituunt sub Mundi nomine corpus.  
Quem, quòd adornatus, quòd pulcher, quòdque de-  
corus*

*Undique visatur, ἄστρον dixere Pelasgi:  
Huius membra, licet variè distincta putentur,  
Sunt cognata tamen, miròque in fœdere perstant:  
Atque Dei nūmen spirant, passimque fatentur.  
Quòd si non esset, si non benè nexa maneret  
Moles tanta, Dei verbo fabricata parentis,  
Nec variam regeret mundi Prudentia turbam,  
Præcipiens vt sit concors discordia, certè  
Non esset statio terris, non ambitus astris,  
Sèque suis peterent vinclis elementa solutis:  
Aëra finitimum consumeret impiger ignis:  
Nec tempestiuas pluuias demitteret aër:*



Nuda foret tellus, æquorque extingueret ignem,  
 Aut igni potius piscosum aresceret æquor:  
 Non sua propositos seruarent sidera cursus,  
 Nóxque alterna diem fugeret, rursúmque fugaret,  
 Ac Phœbus terris lucem, radiósque negaret,  
 Nec generandarum præberet semina rerum.  
 Non imbres alerent terras, non æquora venti,  
 Nec pelagus fonteis: paucis, discordia totum  
 Orbem turbaret, nisi concors fœdus inesset.  
 Ergo opus hoc vario constructum corpore mundi,  
 Membráque naturæ diuersa condita forma,  
 Vis diuina regit, verbóque & numine firmat.

Concora  
mundum  
omnia, a

Mundi, seu Vniuersi, compendiosa diuifio.

CAPVT II.

**M**Vndus in æthereum, qui desuper imminet, or-  
 bem,

Inque elementorum, quæ subsunt, corpora, rectè  
 Diuiditur, velut Astronomi docuere, sophique.  
 Postremum paucis satagam percurrere, vt illinc  
 Ceu gradibus factis, & aperto limite, sensim  
 Ex imis, summi conscendam culmina cœli.

Munda  
sua mem  
præcipu  
uifio.

Ergo, elementaris mundus, telluris, & vndæ,  
 Aëris, ac ignis comprehendit corpora, quorum  
 Ordine naturæ breuibus descriptio verbis,  
 Nunc peragenda venit: facilem te trade, docebo.

Mundi  
metaris  
tes.

Terræ & partium eius descriptio breuif-  
sima. CAPVT III.

**H** Vmani generis, Tellus, possessio pro qua  
Totrixæ, & cædes, & prælia, damna, labores  
Surgunt, oceani circumque, intraque, sonante  
Alluitur fluctu passim: ac velut insula toto  
Eminet è ponto, & mediis attollitur undis,  
Non immersa, volente Deo, cui summa potestas  
In terram, mare, cælos, aëra, denique flammam.  
Hanc multæ & variæ species hominū, atq; ferarū,  
Depictæq; colunt volucres: pars eius ad Arctos  
Aspicit, austrinis pars est habitabilis oris:  
Pars tenet occasum, pars insuper exit ad ortum,  
Sub pedibꝫque iacet nostris, supràque videtur,  
Vt nos postremo satagemus scribere libro.  
Illa sinu pulchris distinctas floribus herbas,  
Et varios promit non vno è semine fœtus.  
Huic insunt montes, cliui, colles, tumuliqꝫ,  
Conualles, campi, rupes, fauces, iuga, prata,  
Syluæ, stagna, lacus, fontes, fluuij, atque paludes,  
Stirpes, & pagi, vites, populi, oppida, rura,  
Saxa, metalla, Ceres, vitæ opportuna tuendæ.  
Queis vnum, bonitate sua, Natura, Deꝫque  
Præposuere hominem, ac Regem fecere timendum.  
Tota hodie Tellus parteis censetur habere  
Quattuor, Europam dico, Lybiamque, Asiàmque,  
Necnon Americam à primo inuentore vocatam,  
Nil sequor vltèrius, ne dicar scriptor ineptus.

Terram in meditullio Mundi, absque vlllo  
motu, stabili pondere sub orbiculari fi-  
gura librari. CAPVT IIII.

**Q**UOD Verè medium mundi sit terra, probari  
Inde potest, quia ad illam sedulò quæque  
recurrunt,

Quæ vel labuntur, vel eunt, tenduntque deorsum,  
Ceu ad centrum, in medio defixum corpore mundi,  
Ad quod  $\kappa\omicron\varsigma\ \mu\omicron\pi\acute{\alpha}\tau\eta\varsigma$  iussit grauiâ omnia ferri,  
Ac naturali motu hinc discedere nusquam.

Vnde ferè cunctis immobilis illa tenetur,  
Librata in medio, & propria gravitate quieta:

Vt visum est illi qui temperat omnia nutu.

Vndique enim in centrū concurrit prona, globūmque  
Explet compactum, densum, solidūmque, & opacū:

Cui nulla est leuitas, grauitas quamplurima, nec non  
Tanta, vt nemo aliquo possit comprehendere sensu.

Quòd situ leuiora, eadem mihi mobilia

Ponis, si terræ globulum leuitate carere

Annuis, huic, certè, ne punctum mobilitatis

Ascribes: quapropter erit grauis, & sine motu.

Adde quòd ille pater rerum, mundique creator

Omnia quæ fecit, voluit motu, atque quiete,

Sic distingui, vt tellurem iusta ratione

Vna quies retineret, haberet cetera motus.

Hinc semper fluit vnda, aer agitur, & ignis

Non manet, ac certa nescit statione morari,

Præcipuè tamen in cælo est vis maxima motus,

PERE  
iectū est p  
pter Cop  
nicotū t  
scu ac th  
rias.

Terrā eff  
grauē sta  
lem, &  
mobile, d  
mōstratur

Omnia p  
ter unā t  
ram mou  
ri, cōtra C  
pernicum

*A quo, quæ subsunt cuncta inferiora, mouētur:  
Vt tibi perspicuè posthac monstrare studebo.*

*Præterea, motum quiduis certa ratione  
Debet ad immotum componi, & ritè referri.  
Vt nosci inde queat motus, valeátque notari:  
Iam cùm ipsum cælum assiduè moueatur, habebat  
Verè opus immoto & defixo corpore, qualis  
Censetur tellus: ergo est immobilis, atque  
Vnam de cunctis retinet mediam vndique sedem  
Immensi mundi, ac librato pondere pendet.*

*Quod te non valdè turbet, cùm pendeat orbis  
Cælorum, & nullo ponat vestigia fundo:  
Vt de perpetuo constat, celerique rotatu  
Illius, & motu vario rerum variarum  
Quas habet, atque palam depromit nocte, dièque.  
Hinc suspensus ab it Phœbus cursu moderato,  
Cum luna & stellis mundum lustrâsque, fouēsque.  
Cælum ergo pendet sursum, tellúsque deorsum:  
Quæ nisi librato media esset pondere, certè  
Non ageret cursum reliquis comitantibus astris  
Phœbus ad occasum, ac nunquam remearet ad ortū:  
Cynthia nec celeres regeret per inania bigas,  
Nunc illos infrà irradians, illos modò suprâ.  
Est igitur medium mundi sortita theatrum  
Tellus, & toto pariter sublata profundo,  
Immota, ac stabili & defixo pondere pendens.  
Vt fusè & variè monstratum est, atque probatum.*

Terram sensibilem magnitudinem non habere,  
 si ad totum mundum conferatur: cuius cen-  
 trum puncti instar esse censetur.

## CAPVT V.

**S**VNT variae causæ quòd tellus debeat esse  
 Totius mundi centrum, mediúmque vocari:  
 Terricolis etenim sublimia sidera quæque,  
 Quàdo tenent ortum, occasum, summû quoque cœlû,  
 Mole sub æquali semper spectantur vbiq̃ue,  
 (Si fumos tollis, nebulas, sparsosque vapores,  
 Qui maiora solent mentiri corpora, quàm sint.)  
 Quod nusquam fieret, ni mundi terra teneret  
 Centrum, quod nemo doctus distare negauit  
 A cœlo, stellis, ac astris, partibus æquis.  
 Addo quòd à quocunque loco, & quauis regione  
 Terræ, dimidium cœlum infrà semper habetur,  
 Et suprâ: quod fit, quia tellus infima, verum  
 Illius est centrum, reliquas causas reticebo.  
 His positis, aliud cupio te noscere, nempe  
 Molem sensibilem ad mundum, cœlûmque supremû  
 Terræ nullam esse, vt stellarum ostendere possunt  
 Aspectus varij, inuariatæ denique turbæ  
 Cœlestes, quemcunque locum calcaueris orbis.  
 Necnon dimidium cœli visum: insuper vna  
 Austrinas Vrsas, boreâsue petentibus, vltro  
 Oblata, & præsens variatio facta polorum:  
 Necnon astrorum, pariter mutatio lucis,  
 Ac noctis: iunges quòd sidera cuncta videntur

Terr  
centr  
di ac  
demo  
tur.

Alter  
monst  
idē p  
quod

Terra  
sibilem  
gnitu  
non h  
sicum  
do co  
tar.

*Per totum mundum (cum Luna demito Solem)  
Parua, licet terra multò maiora ferantur.*

*Si minùs ista probas, propono denique in orbe  
Terrarum toto, simul æquidialia facta:*

*Quæque Mathematici inuenerunt organa, quorum  
Centrum cum mundi centro prorsum esse videtur.*

*Est etiam certum, quòd si quis scanderet orbem  
Lunæ, aut Mercurij, prospectaretque deorsum  
Terram, parte quidem minima non cerneret illam  
Quamuis huic etiam Phœbeam lampada tradas.*

*ad Nam tota ad cœlum exigui puncti instar habetur.*

*esse De stellis secus est: seu fixæ, siue vagantes*

*puncti Et Hæ fuerint: rutilo quas sursum lumine passim*

*esse Obseruamus: habent etenim sua corpora, terra*

*maioribus Maiora: Hermetem tollunt, Lunam, Veneremque.*

*is. Cætera, si quæ sunt, muti monstrare magistri*

*Exactè poterunt: nec non vox viua docentis:*

*Quæ quantum valeat, non est hîc scribere nobis.*

*Terram orbicularis esse figuræ, ac globosæ.*

#### CAPVT VI.

*S**phærica telluri, vt cœlo, datur vndique forma,  
Cui neque principium est vllum, nec denique finis:*

*Idcirco terris non omnibus, omnia signa*

*astrata Conspicimus: nusquam inuenies fulgere Canopum,*

*quòd Donec Niliacas per pontum Veneris oras.*

*et glo- Sicut querent Helicen, quibus ille superuenit ignis:*

*spha Nam terræ tractus teretes, sparsique tumores,*

*Eripiunt stellas oculis, visusque coërcent.*

Te testem das Luna tui glomerabilis orbis,  
 Quæ cum mersa nigris per noctem deficis umbris,  
 Non omnibus pariter confundis fuscula gentibus:  
 Nam prius Eoæ quærun't tua lumina turbæ:  
 Post, medio subiecta polo quæcunque coluntur,  
 Ac demum Hesperios pullato respicis ore.  
 Quod si plana foret tellus, simul, icta, per omnem  
 Deficeret mundum, toto spectabilis orbe.  
 Sed quia per teretem deducta est illa tumorem,  
 His modo, post illis appares, Cynthia, terris,  
 Ut Sol, & passim cælorum sidera quævis.

Terræ  
 spher  
 mon  
 eclips  
 na.

Si minus ista probat terrarum orbem esse rotundum,  
 Ecce aliud: formam præ se fert corporis umbra  
 Obiecti, ut certo & facili docet Optica sensu:  
 Per Lunæ eclipseis totas, spectatur ad unguem  
 Terreni globuli proiecta umbra esse rotunda.  
 Ergo rotunda manet tellus, & spherica verè.

Alio  
 batio  
 terra  
 tunda

Adde quod ipse polus mundi surgitque, caditque,  
 A borea oppositum, & contrà, quærentibus austrum:  
 Eoisque citò, Hesperii tardè astra videntur:  
 Quod tumor vnus agit telluris sphericus: ex quo  
 Rursum colligitur terrarum forma rotunda.  
 Tu causas alias de doctis excipe libris.

Alia  
 strati  
 cular  
 terre

Aquæ locus, vsus & descriptio pulcherrima, ac  
 breuissima, CAPVT VII.

IN faciem terræ procumbit aqua, & fluit intra  
 Illius venas, ut fonteis excitet, atque



*Vt sursum exhalans fiat vapor: isque redactus  
In pluuiam, terras saturet, fecundet, alâtque:  
Aerâque ex ipso ducentem semina pascat.  
Sub regione ergo crassa, imâque, aeris, vnda est,  
Vnda, inquam, oceani, quæ terram circuit omnem:  
Angustoque freto Herculeas ingressa columnas  
Diffundit sese longè, latèque pererrat:  
Diuersum nomen retinens, vt sunt loca per quæ  
Transit diuersa, historiis passim celebrata.*

*Hæc terræ occultas perreptat adusque cauernas,  
Et fluit, ac refluit semper, variûmque saporem.  
Induit, vt varia est tellus per viscera cuius  
Tendit: ab hac longo iam tempore flumina manant:  
Flumina quæ pelago veniunt, iterûmque marinos  
Ad fluctus properant, illinc creditura vicissim,  
Vt tellurem onerent, deinde æra, postea sensim  
Quâ venêre fluant: vis dicam plurima paucis?  
Hac abeant, illac redeant, & agantur in orbem  
Assiduè, vegetentque, vt sanguis corpora, terram:  
Hinc fit vt oceano manet vis omnis aquarum:  
Qui fluit, ac passim refluit, noctesque diesque:  
Scandit, descendit, turget, gignit, parit: ex quo  
Vndarum genitor censetur vatibus esse.  
Quascunq; orbis habet Nymphas, hic edidit omnes,  
Partim sub terra, partim supra, ingredienteis:  
Partim etiam grauidis de nubibus egredienteis.*

Aquam

Aquam esse figuræ sphaericæ, seu rotundæ, ac  
globulum vnum cum terra facere.

## CAPVT VIII.

**C**ORPVs aquæ totum formam retinere rotundā,  
Ostendit signum positum prope littora ponti,  
Solvente à portu naui, longèque remota:  
Nam sensim visum fallit, seque eripit vltro  
Ex oculis signum, medio surgente tumore  
Aequoris, in quocunque loco sedem sibi naui  
Ponat: idem poteris de ipsa quoque dicere naui,  
Cum dat se ventis: nam stanti in littore, velox  
Vanescit: quod aquæ donabis, iure, tumori.

Aqua  
rotunda  
monstrat

Monstrabunt eadem scopuli visi, inde latentes:  
Si causas alias hîc à me fortè requiris:  
De tellure prius conscripta, eiusque figura,  
Consule: nam certum est corpus telluris & vnde  
Vnum sphaeralem globulum simul edere: cuius  
Parte is detexit diuinumque, hominumque potestas,  
Ad proprios vsus viuendum, stante figura.

Aqua  
terrâ  
tantum  
bulum  
constitit

Aeris locus, & regionum eius descriptio dilu-  
cida ac brevis: cū iis quæ ibidem generatur.

## CAPVT IX.

**E**T terras, & aquas agilis completitur aer,  
Huc, illuc, variè diffusus, & omnia passim,  
Ne detur vacuum, perreptans: deque vapore  
Conformans pluuias, tonitru, igneis, nubila, flatus:  
Quidquid enim tellure ima, atque fluentibus undis

Mira  
natur  
agili

Exhalat, sensim huc, mutato corpore, fertur:

Idque vapor solet esse duplex: levis, aridus, unus:

Vnde ignes sunt varij per inane volantes:

Frigidus est alter, crassus, simul & gravis, ex quo

Nunc rores bibulis latè funduntur in aruis,

Nunc densæ incumbunt nebulae, conuallibus imis,

Aut plantis caelo fusæ sparguntur & herbis

Pergratae pluuiæ: aut suspecto verbere grando

Irruit: aut canis albescent rura pruinis:

Vel niuibus montes longè, vastæque teguntur.

Hæc verò cuncta emittit circumfluit aer:

Aptè distinctus triplici regione: suprema

Accipit æthereum vicino ex igne calorem,

Necnon Vulcani semper sitit vsta camino:

Hic ubi, si sicca & tenuis succenditur vna

Materies, apparent astra cadentia caelo,

Ignitæque trabes æstiuæ nocte micantes:

Atque alia id genus humanas turbantia mentis.

Pars media, ut tradūt, verè est gelidissima, necnò

Semper ab inflexu radiorum amota: malignum

Frigus, & algentem latè complexa rigorem.

Hic sunt pluuiæ, nubes, ac fulmina, sæuo

Cum tonitru: variique agitantès nubila venti.

Infima pars calida est, atque humida: nã vapor

illam

Humectat, liquidis exhalans iugiter undis:

Ac Solis radius, sic vel sic, usque reflexus

Calfacit: ut cælum, atque solum permittit, agitque:

*Ergo æquè patiens est frigoris, atque caloris,  
 Alternasque vices, alterna sorte rependit:  
 Vere tepens, æstate calens, eadem horrida bruma.  
 Hic sunt fatui ignes, ros, nebula, atque pruinæ:  
 Cætera de nostris tibi sunt noscenda Cometis:  
 Nempe illic multis describimus aera, necnon  
 Quæcunque illius triplici regione creantur.*

*Ignis locus, natura, & descriptio non illepidæ.*

## CAPVT X.

**I***gnis ad æthereas volucer se contulit arceis,  
 Summæque complectens imi fastigia mundi,  
 Flammæ vallonaturæ mœnia firmat:  
 Tradita proinde fuit sedes sublimior illi,  
 Necnon nobilior, veluti res poseit, & ordo:  
 Nam quæ sunt cælo, & stellis propiora coruscis,  
 Debent nobiliora etiam, & meliora putari.  
 Perdoctè ergo prisci ignem scripsere propinquum  
 Contiguumque orbi Lunæ, sed luce carentem,  
 Vrentem tamen in primis, miræque calentem.  
 Quod verum esse docet ratio: nam nocte videmus  
 Per sudum volitare facès, flammæque vagari  
 Aera perliquidum, & delabi sidera cælo:  
 Quæ fiunt, sicci & tenues quòd in aera fumi  
 Altius ascendant, summòque cumentur ab igni:  
 Qui nisi sub cælo verè esset, non vapor illic.  
 Accendi posset, noctisque volare per umbras.  
 Sed ne, quæso, putes solum ignem summa tenere:*

Lib  
 tore  
 de C  
 & eo  
 tentis

Igni  
 sublim  
 ascrip  
 munde  
 riori, &

Ignè su  
 aeris v  
 esse de  
 stratur.

*Nam tellus, aer, cœlum, mare, pace ligatum  
 Concordi hunc norunt, Vitali & lumine plenum.  
 Hunc corpus nostrū, & res mūdi quæque latentem,  
 Includunt, seu sursum spectes, siue deorsum:  
 Vnde mihi fœcunda nimis, mirandâque valde  
 Est semper visa, & semper dicta, atque putata  
 Vis ignis: siue hunc germen cœleste uocandum  
 Censes, aut aliud: nam mundo spargitur omni:  
 Omnibus in rebus latitat, sua semina sparsim  
 Distribuens. quod sic paucis ostendere pergo.*

*Ignem per omnes mundi superioris & inferioris parteis occultè spargi, & latitare.*

## CAPVT XI.

*V*idisti, vt credo, miranda incendia monteis  
 Ruētare, & validas noctu dispergere flāmas:  
 Vidisti crebrò quòd cum balearica plumbum  
 Funda iacit, volat, ac mox incandescit eundo:  
 Et quos non habuit, sub nubibus inuenit igneis.  
 Vidisti persæpe oculos in nocte, repentè  
 Pulsatos, ignis scintillas mittere longè.

*Vidisti calidos ardenti exurgere fonteis  
 Tellure, ignitūmque antra exudare vaporem:  
 Sulphureosque lacus, vasto cum murmure, ab imo  
 Misceri, & rapidè tolli feruentibus vndis.  
 Vidisti pariter fulgetra & fulminis ignem  
 Aëre grassantem, ac nullo ignis fomite factum.  
 Collisis etiam diffundi cernitur ignis*

*E trabibus, durâque occulta ex arbore flamma  
Excudi, montésque procùl fumare minaci  
Ventorum impulsu, sese allidentibus ipsis  
Saxis, inque vicem valido occurrentibus ictu.*

*Sic quoque cùm dubij subeunt certamina belli  
Ferro instructæ acies, & totis viribus hosteis  
Mutua consertis exercent prælia dextris,  
Et caua terribili tinnitu pulsa reclamant  
Arma, vomunt crebros gladiis tundentibus igneis.  
Præterea, duris sonipes calcaribus actus,  
Dum salit, & silices ferratis calcibus vrget,  
Excudit rutilos igneis, soleâque latentem  
In tenues acer scintillam dissipat auras.  
Sic ferro defixa, & nervo impulsâ sagitta,  
Aera per vacuum ignescitque, ardétque volando:  
Vsq; adeo natura suis spectatur vbiq;  
Ignibus esse potens, occulto numine mundi.  
Sed satis hæc fuerint: redeo ad summi aëris ignem:  
Qui cùm miranda leuitate ipsum aera vincat,  
Altior haud dubiè locus illi competit. ergo  
Sub cœlo est eius sedes, & proxima Lunæ:  
Ad quod nunc demum superest ascendere, quando  
Huc elementa gradum nobis fecere decenter.*



## COSMOGRAPHIÆ ANTO-

NII MIZALDI MONLVCIANI,

Liber secundus.

**I**ACTENVS aerios tractus, terræque,  
marisque,  
Ac ignis summi, validis excurrimus  
alis:

Restat vt æthereas sedes, mea Musa,  
petamus:

Et sphaeræ mundi loca præstantissima, cælum  
Inquam, dum ventum est illuc, & spirat Apollo,  
Lustremus: miræ rutilant hîc vndique flammæ,  
Quas tibi, vel mediis tenebris, lucere videbis.

Quare agè, pone metum, cœli rectrice vocata:

Quam sic compella, sic supplex poscere perge.

VRANIE, quæ sacra regis penetralia cœli,  
Quæ superùm sedes stellatâque templa gubernas,  
Huc ades, & facilem dextram concede roganti:

Sunt maiora etenim dictis dicenda, timetque  
Mens meatam tenuis, mysteria tanta subire.

Hæc vbi protuleris constanti pectore, fortem  
Sume animum, ac vanam tellurem despicere: quando  
Rebus in excelsis decus est, & gloria maior.



Quid cœlum, & quibus rebus in genere  
constet.

## CAPVT I.

**Q**uidquid habet elementa sibi super undiq; stratū,  
Id cœlum priscis vulgari est nomine dictum:  
(Aut quod caletur stellis ardentibus: aut quod,  
Antiphrasi quadam minimè celetur in orbe:  
Vel quod ubique cauum spectetur ab omnibus esse,  
Ut Græcis κοῖλον propriè signare videtur.)  
Necnon æthereus mundus, quod currat, eátque  
Semper: vel rutilis pelluceat ignibus. Illi  
Multiplices insunt sphaerae: gerit insuper vnum  
Centrum, axémque, polos, maiores atque minores  
Cyclos, cùmque vagis stellis illustra signa:  
Quæ reddunt pulchram mira compagine, cœli  
Structuram: de qua nunc demum sermo futurus.

Cœlum esse undique sursum: necnon prius de-  
scripta mundi elementa illi rectè substerni,  
figurámque orbicularem, non absque ratio-  
ne, præ se ferre, & habere. CAP. II.

**P**incipio, rerum custos natura, parénsque,  
Dum circumfusus orbem concluderet astris,  
Undique pendentem in medio, diuersáque membra  
Ordinibus certis sociaret corpus in vnum,  
Aeráque, & terras, flámámque, undámque fluëtem,  
Mutua in alterutrum præbere alimenta iuberet,  
Ut tot pugnantes regeret concordia turbas,  
Ac staret socio religatus fœdere mundus,  
Quódque erat inferius, vireis hauriret ab alto,

Excelsum posuit cœlum, sub imagine magnæ  
Cuiusdam sphaera. dic quorsum? iure decenti.

Sphærica nam verè perfectior esse figura  
Censetur cunctis aliis, quia non habet in se  
Principium, finemque: capax quòd denique, nec non  
Simplex & perfecta manet, sitque apta moueri:  
Præsertim circa medium (ceu vertitur æther  
Circâ ipsam terram, in medio quæ condita mundi est)  
Conuenit hæc igitur cœlo perfecta figura,  
Ac eius sphaeris, & toti denique mundo:  
Conuenit & Soli, Lunaque, ac omnibus astris.

Hæc cœlum possunt utcūque probare rotundum:  
Quæ si non rident, poterunt fortasse placere  
Ista tibi: sequitur cœlum, ut mundi omnia, summum  
Archetypum: cui vel finem dare, principiumque  
Nemo queat, velut in sphaera: manet ergo rotundum  
A simili: adijce, quòd rebus natura quibusque  
Ad quas aptantur, propriam formam, atque figuram  
Exhibuit: cœlum aptatum, factumque negabit  
Nemo, nisi ad lucem, nec non ut agatur in orbem:  
Ergo, iure bono illi quadrat sphaerica forma.

Addes quòd nullos anglos motum remorantes,  
Sphærica, de cunctis & multis, vna figura  
Prætendit: quare cœlo bene commoda fertur.

Adijce quòd si quos cœlum concluderet anglos,  
Absque loco corpus, iusta ratione, daretur,  
(Ut vacuum taceam, naturæ legibus omni  
Explosum mundo) fuit ergo rite rotundum.

*Vis alias causas? si planum, vel lateratum  
 Esset, non eius partes æqualiter omneis  
 Terra distarent: & maiora, atque minora  
 Nunc hîc, nunc illic lucerent sidera nobis:  
 Quod nusquam factum videas: seclude vapores  
 Qui maiora solent proponere corpora quàm sint.  
 Sed satis hæc: coelis breuitas gratissima res est.*

*Sphærarum, seu orbium cœlestium numerus  
 & ordo. CAPVT III.*

**O***Rbeis cœlorum duntaxat sæcula prisca,  
 Oëto fecerunt: quibus vnum deinde secuta  
 Aetas adiunxit. Summus, quod mobile primum  
 Dicitur, extremis rapidè discedit ab Indis,  
 Mauros, Hispanosque petens: spaciòque diurno  
 Complet iter: celeri cursu cœlestia secum  
 Corpora cuncta trahens, illorùmque insuper orbeis,  
 Ceu totum parteis, nullo spectabilis astro.  
 Quem motum absoluit mundi super axe, polisque:  
 Vnde & mundanum vocitant, paritèrque diurnum,  
 Acraptus: quòd se comitem huic violentia tradat,  
 Vt multis visum est: quanquam, me iudice, falsò:  
 Vt tibi paulò post satagam monstrare libenter.*

*Oëtauus variis astris est lucidus: atque  
 Curriculo annorum centum, vix perficit vnum  
 Rite gradum: sub eo Saturni sphæra locatur:  
 Deinde Iouis, post hanc Maioritis, Apollinis inde:  
 Pòst, Cypriæ, et mox Hermetis, venit vltima Lunæ.*

Cœlum ab oriente per meridiem in occasum  
orbiculariter volui ac reuolui : cui contra-  
rio & proprio motu renituntur sphaera in-  
feriores.

## CAPVT IIII.

*I*Am quòd ab exortu cœlum voluatur, eátque  
Occasum versus, stellæ monstrant orientes,  
Et sese sensim attollentes, donec ad vnum  
Sit ventum cœli medium, Solémque cadentem  
Inuisant, æquè distantes, atque remotæ  
Inter se, & parili cursu semper gradientes.

Quod monstrare queunt etiã arctica sidera cuius:  
Nam cyclos formât, & semper aguntur in orbem,  
Verè conspiciuum, quia non merguntur in vndas,  
His saltem nostris boream spectantibus oris.  
Sunt aliæ causæ, quas hîc percurrere nolo,  
Quòd scateant illis veterum monimenta sophorum:  
Et nos quæramus certa breuitate placere,  
Ac facili, qua nil discenti gratius adsit.

Sed te scire velim, quòd re vera, atque probata,  
In primum, oppositis nituntur motibus, orbes  
Omnes cœlorum, quotquot descripsimus antè:  
Non aliqua vi, sed propriis uirtutibus acti.  
Qui natiuus eis pro certo dicitur esse.  
Vnde petunt Gangem Hesperius à Gadibus, ut te  
Luna docere potest, de stellis omnibus una.

Cœlestium sphaerarum magnitudines varias ac  
diuersas esse, uti etiam motus. Vbi de miran-  
da velocitate primi mobilis.

## CAP. V.

**Q**uantò plus absunt cœli orbes, plûsue recedunt  
 A summo, tanto censentur, iure, minores;  
 Velocique magis sursum procedere motu:  
 Quem licet agrè oculi possint deprehendere, cuique  
 Is tamen est proprius: nam à primo secius itur:  
 Qui vsque-adeò celeri fertur vertigine, vt omneis  
 Preuertat volucris, ventósque, ac fulmina vincat.

Quò ergo quæque magis sphaera est sublimis, in illa  
 Fortior est motus, mundumque rapacius ambit:  
 Quare illud cœlum quod primum mobile fertur,  
 Maximum habet motum: quem nos hîc dicimus esse,  
 Tempore qui minimo, spacia & loca maxima trásit.  
 Id quod agit summum rapida vertigine cœlum:  
 Vnde in nictu oculi totum percurreret orbem,  
 Ni obstarent aliæ sphaeræ quas voluit & ambit:  
 Cursum frænantes validum: ne protinus omnem  
 Voluendo rapiant secum terram, oceanumque.

O rem mirandam in primis, summæque stupendâ!  
 Huc mortalis homo, huc caca erige lumina, nosce  
 Quis tantam iubeat, tam paruo tempore molem,  
 Tam longas transire vias, iterumque redire:  
 Nec cessare vnquam, ac nullum sentire laborem.  
 Hîc miranda tibi, & summè est veneranda potestas  
 Magna Dei patris, necnon sapientia: cuius  
 Verbum formauit cœlos, ac ordine miro  
 Digessit, motumque dedit lustrarier orbem,  
 Vt vireis hinc inde suas diffunderet illi.

Infer  
 orbes  
 rioribu  
 neres  
 tardio

Demon  
 tur, pri  
 cœlū or  
 bus ali  
 tum ha  
 veloci

Laudat  
 immen  
 nitas de  
 lorum c  
 ditoris  
 moderat  
 ris.

Cœlestes sphæras omneis, stellâsque vniuersas,  
à se, & suis formis naturali motu agi, & non  
violento, CAPVT VI.

**C**redibile est sanè, cœlestia corpora, nec non  
Orbeis iam positos omneis ex ordine, per se,  
Aque suis formis duci, sempérque moueri,  
Ac naturali gyro percurrere terras:  
Natura est siquidem motore potentior omni.  
Naturam verò appello legem omnipotentis,  
Supremique patris, quam prima ab origine mundi  
Cunctis imposuit rebus, iussitque teneri  
Inuiolabiliter, dum mundi secla manebunt.  
Sic aqua semper erit mollis: sic ignis adurens:  
Sic stabilis tellus: sic semper mobilis aer:  
Sic forma, & virtus herbis sua cuique tributa est,  
Nec non arboribus, gemmis, animalibus ipsis.  
Sic cœlum circumuolui sine fine decens est,  
Vsque adeo sibi constans est diuina voluntas.

Cœlestis sphæra & mundana centrum, axis &  
poli: circa quæ tam reuolutiones, quàm mo-  
tus sursum fieri censentur. CAP. VII.

**T**V centrum sphærae, punctum mediū esse putabis,  
A quo si recti tractus ducantur ad ipsum  
Circuitum, æquales inter se semper habentur:  
Vt docti monstrant: qui nos pariter docuerunt,  
Puncta duo, cœlum ad paruos vbi voluitur orbeis,

*Esse polos mundi: quos linea ducta per vnum  
Telluris centrum, gemino de cardine mundi,  
In propriis facit extremis, & ad illa mouetur  
Præcipiti, rapida, ac celeri vertigine cælum.  
Quòd verò mundi mediam pertranseat hæcce  
Linea, nec facile ex sese vertatur in orbem,  
Hanc dixere axem: nam motum non habet vllum:  
Non secus atque axis, circa quem multa rotarum  
Turba, suos cursus immoto perficit illo.*

*Hunc si fortè putas robustum, ac materialem,  
Aut graue pondus & immensum gestare, profectò  
Erras: nam quidquid circumfert, illud habetur  
Simplex, diuinum, & terrestris corporis expers.*

*De duobus cœlestis sphaeræ & mundi polis, eo-  
rumque nomenclatura, situ, & natura.*

## CAPVT VIII.

**H***ic te scire velim, describam plurima paucis,  
Quòd proprium nomen sortitur vterque polorū:  
Arcticus est vnus, borealis rite vocatus:  
Austrinus, notius, necnon Antarcticus alter:  
Qui fugit à nobis, & nostro lumine semper,  
Donec ad Aequantem sit ventum, aquilone relicto:  
Ut tibi paulò post facili monstrabo Minerua.*

*Ne tamen ignores hac in ratione polorum,  
Quòd quoties vnus spectatur, mox fugit alter:  
Vnius id facientè globo telluris: vterque  
Conspicius tamen est habitantibus Aequidiale.*



*Hunc ultra, & citra, verè fugit alter, abítque,  
Vt mox dicemus, Musis, Phœbóque fauente.  
His positis, quæ sit cœli structura, quibúsue  
Ornetur cyclis, nunc demum scribere pergo.*

Sex maiorum circulorum cœlestis sphæræ de-  
scriptio, vsus, natura, & situs : imprimis Zo-  
diaci, seu obliqui circuli. CAP. IX.

**M**aiores cycli, qui cœlum partibus æquis  
Distingunt, priscis numero sex esse feruntur:  
Signifer est vnus, bisseñis vndique signis  
Conspicuus, Tropicum attingens, obliquus, vtrūque:  
Vnde κύκλου λόγῳ dedit illi Græcia nomen.

As summo Cancrum, Capricornum tangit ab imo:  
Atque locis geminis complectitur Aequidiale,  
Lanigeri & Libræ prima sub parte, gradúque.  
Illustreis per eum Phœbus moderatur habenas  
Quadrupedū qui currū illius agúntque, trahúntque.  
Hic etiam celeres agit vagæ Delia bigas:  
Nec non & gemmæ cœlorum, quinque Planetæ,  
Hic peragunt varios, naturæ lege, meatus:  
Nonnunquam sursum volitando, sæpè deorsum:  
Quò fit, vt è cunctis latus fingatur vbique.

Hunc medium præcingit ecliptica linea: dicta  
Quòd sub ea eclipséis semper veniántque, cadántque:  
Illa eadem in geminas diducit linea parteis  
Zodiacum, nimirum aquilonem versus, & austrum:  
Vt spectetur ibi quàm sit via lata πλατύς ὁδός.

Hoc dempto cyclo, maiores atque minores  
 Censentur reliqui, ceu sphaerica virgula cuncti.  
 Queis tribuere gradus tercentum (ni bene fallor)  
 Omnes Cosmographi, decies sex si super addis  
 In longum, ducto ex aequali tramite tractu.

Sed te scire velim, quod habet sibi signifer axem,  
 Puncta, polos itidem seclusos, atque remotos  
 A mundi, coelique polis: queis circulus, vnus,  
 Arcticus est limes, necnon Antarcticus, alter.  
 His innixi orbes coelorum, quotquot habentur  
 Suppositi octauo, propria virtute mouentur,  
 Ut prius ostensum est: venit in super hocce notandum,  
 Quod valde grata est ecliptica linea Phæbo:  
 Atque ob id κλιακὸς κύκλος percrebrò vocatur:  
 Nam rectà per eam semper graditurque, regitque  
 Igni nomos per eam currus, sub tramite fixo  
 Zodiaci: qui de cyclis coelestibus, ægrè,  
 Et visus, aciemque fugit: tantùmque notari  
 Ille potest, quantum reliqui vix mente videntur.  
 Nam nitet in summo, ut stellatus balthæus, orbe:  
 Ac illustre facit disperso lumine coelum  
 Per noctem, hîc signis radiantibus, atque planetis.  
 Is ter vicenas parteis capit, atque trecentas  
 In longum: bisque octo in latum, ut fascia, pergit:  
 Quæ cohibet positis errantia sidera metis  
 Vltrà ne fugiant, illinc redeant, repetantque  
 Rursus iter: velut ars doctis demonstrat, & vsus.  
 Cyclum hunc Ζωδιακὸν Græci dixere, Latini

De  
 gni  
 eor

Vn  
 ca  
 hab

Qu  
 bus  
 diti  
 Zodi  
 in le  
 latu

32 ANTONI MIZALDI  
Orbem signiferum: quòd gestet signa, vehátque  
Obliquo positu, mundi ratione polorum,  
A quibus haud aequè sursum distare videtur.  
Vel quia cum Aequante obliquos, ipsiisque Coluris  
Anglos componit, de sphæra corpore notos:  
Vel quòd, vt Aequator, passu non scandit eodem:  
Nanque eius partes variè ascenduntque, caduntque:  
Nunc obliquè, aliàs rectè, lentèque, repentè  
Nonnunquam, vt sphæra præbet positúsque, sitúsque.  
Sed non te lateat, quòd cyclo semper ab isto,  
Stellarum errantùm, ac fixarum quærimus ortus,  
Nec non occasus, & eorum tempora: dátque  
Certum principium de signis, Laniger illi:  
Si mihi principium cyclo concedis inesse.  
Est etiam proprij motus mensura  $\pi\lambda\alpha\nu\acute{\alpha}\tau\omega\nu$ :  
Quorum quæque loca, vt fixarũ mōstrat ad vnguem:  
Et quàm lata via, & queis partibus adsit eclipsis.  
Cætera quæ dici possent, & quæ sibi verè  
Signifer ascribit, repetam, tradámque libello,  
Cui nos Zodiaci nomen præponimus, in quo  
Nil nisi signorum naturas tradere conor.

Signorum Zodiaci ordo, & nomenclatura.

CAPVT X.

SI tamen interea satagis cognoscere quæ sint  
Signa, quibus toto vehitur Sol aureus anno,  
Zodiacum peragrans, paucis tibi versibus hæc sint,  
Laniger, & Taurus, Gemini, Cancer, Leo, Virgo,  
Libra,

*Libra, Nepa, Arcitenens, Capricornus, Hydrocho-  
usque,*

*Et duo cœlesti radiantes lumine Pisceis.*

*Sena priora vocant borealia (nempe quòd Arcton  
Affeētent) austrina alia, ut situs indicat, & pars  
Signiferi. sed in his alibi versamur abundè.*

*Aequinoctialis circuli, seu Aequatoris, descriptio,  
vſus, natura & situs. CAP. XI.*

*Signiferum Aequator, rectus secat: inque priori  
Lanigeri, Libraq; gradu lucē equat & Vmbraſ,  
In media cœli & mundi regione locatus:*

*Is ferme à Cancro vicenis, atque quaternis  
Particulis procul eſt, totidem ſimul à Capricorno,  
Parte ab Vtraque videns axem: ex quo diuidit omne  
In tractus geminos cœlum, notium, boreūque:  
Necnon Signiferum totum, ſub quo hoſpitem Phœbus  
Exæquat paribus numeris, noctēſque, diēſque,  
Quoquò te vertas, ut nomen perſonat ipſum.  
Adde quòd hunc toto gradiens deſcribit in anno  
Bis, dum Lanigeri & Libræ primordia calcāt,  
Atque cita rapitur ſummi vertigine cœli.*

*Ex illo manat terræ diſtantiā lata,  
Signiferi graduum quæ declinatio: necnon  
Stellarum, pariter telluris quæ via longa:  
Huius præſidio diſcrimina lucis & Vmbrae,  
Excipimus, certoque modo venamur Vbiq̃ue.  
Hic motus primi eſt meſſura ac temporis, illinc*

Signorum ascensus in sphaera utraque petuntur,  
Nec non descensus, ut nos docuere periti  
Astronomi: quos fac adeas, ut cætera noscas:  
Nam perdifficile est complecti singula versu,  
Ac tot scribendis vix adsunt ocia nobis.

Meridiani circuli descriptio, natura, situs  
& usus. CAPVT XII.

**H**ic paribus spatiis occasum spectat, & ortum  
Circulus, ac geminum cõcurrit semper ad axem:  
Semper & in puncto capitum versatur ubique,  
Atque secat totum medio de limite cœlum.  
Sub hoc, tam tenebras, quàm lucem Phœbus ab alto,  
Diuidit ex æquo: sed non manet, éstque meanti  
Mobilis, ac sedem varians: nam si quis Eoos,  
Hesperiosne petit, quando illi prosilit alter,  
Cum tellure polum is, re uera, & tempora mutat.  
Hinc tu perfacile excerpis, tot, tamque frequenteis  
Esse  $\mu\omicron\sigma\mu\epsilon\gamma\epsilon\iota\varsigma$ , quot connumerantur ab ortu,  
Occasum versus, capitalia punctula (Zenith  
Dixerunt Arabes) quæ centum, ni bene fallor,  
Cosmographi faciunt, si octogena insuper addis.  
Ergo, quisquis ad occasum rectà, vel ad ortum  
Tendit, iure  $\mu\omicron\sigma\mu\epsilon\gamma\epsilon\iota\varsigma$  mutatque, facitque  
Crebrò nouum: sed si rectà peragrarè polorum  
Alterutrum versus satagit, sanè ille sub vno  
Deget perpetuò, quidnam vis amplius? omnes  
Astronomi motus ad eum referuntque, diémque

*Incipiunt : stellæ petitur distantia ab illo,  
Aequantem versus, velut ars demonstrat, & vsus.*

*Huncce cyclū sursum attingēs, mediā tibilucem,  
Sol vehit: & tenebras medias, de nocte, deorsum.  
Vnde dies, noctesque equali limite truncat,  
In matutinum, & vespertinum quoque tempus.  
Quare defixum quacunque in parte putabis  
Esse vnum: cui sunt vsus, & commoda mille,  
Exponenda locis aliis: sed scito tamen, quòd  
Quisque *μεσημέριος*, quavis regione, situque,  
Anglos semper habet rectos cum Aequante dierum:  
Et cum Finitore secatur sub partibus equis  
Quattuor in tractus cælum, ut mox scribere pergo.*

Horizontis seu Finitoris descriptio, vsus,  
natura, & situs. CAP. XIII.

*Circumfer facileis oculos, vultumque per orbem  
In campo, quæ nulla præmant obstacula magna.  
Quidquid erit cæli sursum, terræque deorsum,  
Quâ coit ipse, ferè nullo discrimine, mundus,  
Redditque, aut tollit fulgentia sidera nobis,  
Cingendo tenui sphaeralem limite tractum,  
Verticis à puncto distans aequaliter, illud  
A Græcis proprio de nomine fertur *ὁρίζων*,  
Qui medium sphaeræ, & superum distinguit ab imo:  
Atque à nocte diem secernit: punctaque ponit  
Ortus stellarum atque occasus: denique reddit*

ntis  
ex

Signorum ascensus & descensus manifestos:  
Indicat & mundi partem boream, notiámque,  
Necnon Eoam, Hesperium quæis iungito tractum,  
Ventorumque situm, & surgentis, deinde cadentis  
Phæbi defixas sedes, vbiunque locorum.

con  
c. &  
uio.

Offert præterea, quæ semper sidera nobis  
Se prodāt, & se occultent, veniant, fugiantue:  
Et quantus sit quisque dies, cum nocte, recludit:  
Paucis, quæ fuerant sub terra, fert in apertum:  
Atque poli, vt Græci dicunt, ἑξάρματα, necnon  
Aequantis, facili demonstrat, & edocet arte:  
Ac domibus cœli vulgata exordia ponit.  
Ast duplicem hunc faciunt: vnus directus habetur,  
Quòd rectos anglos statuatur cum Aequante, polúmque;  
Agnoscat sub eo, peregrino nomine Zeinth  
Astronomis dictum, vel punctum verticis, in quo  
Vnum contingit, resecatque μεσσημβριον Aequans,  
Vt post hæc facili, atque breui, sermone docebo.  
Alter it obliquus recto contrarius, omni  
Parte fugax ad quam migrando verteris: hinc est,  
Quòd quocunque vagæ tulerint vestigia plantæ,  
Has modò terrarum, nunc has gradientis ad oras,  
Siue austrum versus tendat, boreamue rigentem,  
Hesperiosue petat, vel deducatur ad Indos,  
Fit nouus, & visu circum spectabilis vno:  
Nunc aliud cœlum ostendens, aliudque relinquens:  
Pròque polo punctum cognoscens verticis: à quo  
Aequator tantum distat, quantum polus ipse.

ui ho-  
tis de-  
io.



*Mundi à Finitore: poli & distantia quanta est  
 Verticis à puncto, tanta Aequatoris habetur  
 A Finitore illic declinatio: quæ sunt  
 Hic reliqua, excipies de viua voce magistri:  
 Qui, quæ non patitur lex carminis, aut medicina  
 Quam tracto, facio, depromo, rite docebit:  
 Monstrabitque polos maiorum denique κύκλων  
 Partibus esse procul nouies denis, nec eo plus  
 Ipsis à cyclis, illorum vnóue quadrante:  
 Quotque μεσήμεροι ponentur, vel statuentur,  
 Tot Finitores ponendos, ac statuendos:  
 Inque aliis perget, nec quidquam doctus omittet,*

Duorum Colorum vtraque solstitia & æqui-  
 noctia distinguendum, descriptio, vsus, natura  
 & situs.

## CAPVT XIII.

**H**IC duo scribendi restant, pro more recepto,  
 Maiores cycli: qui quattuor antè relatos,  
 Séque secant, gemino coeuntes cardine mundi.  
 Hos, quòd cernantur mutili, dixere κελάρης,  
 Tempora signantes anni: cælúmque per astra,  
 Quattuor in tractus resecantes, partibus æquis.  
 Vnus Solstitia exhibet, Aequidialia ponit  
 Alter: vix alios vsus retinéntque, ferúntque:  
 Ni quòd ab Astronomis nunc declinatio Solis  
 Maxima spectatur, nec non numeratur in vno.  
 Adde quòd in parteis parileis, vel, si placet, æquas,  
 Ambo secant Verè Aequatorem, Signiferúmque:

*Sed postremi ascendentem, paritèrque cadentem  
Partem distinguit, necnon determinat alter.  
Tu reliqua ex libris discas, doctisue magistris:  
Quando hîc à nobis non possunt omnia tradi.*

ADMONITIO in præcedentia & sequentia.

**D**Icti maiores cycli. (tollatur ὀρίων,  
Atque μεσημέριος) motu cœli rapiuntur:  
Ac sunt, si nescis, in terris omnibus ijdem  
Vnà cum reliquis, quos inscripsere minores.  
Sed te nosse licet, maiorum, siue minorum  
Vnumquemque cyclum, ter centum agnoscere parteis  
Cum sexagenis, graduum de nomine dictas.  
Quarum quæque refert stadia in tellure, marique  
Quingenta, ut libro satagam monstrare sequenti.  
Est & noscendum, quòd sedes mutat vtrumque  
Solstitium: mutant itidem æquidialia: causam  
Ex libris quæres, vel de doctore perito.  
Nam tot scribendis mihi libera tempora desunt,  
Ut sæpè admonui, moneo rursum, atque monebo:  
Nec reticebo, quòd hæc non sunt de pane lucrando.

De quibusdam aliis magnis circulis in cœlesti  
sphæra describendis & imaginandis.

CAPVT XV.

**N**on ignorabis, quòd sphæra connumerantur  
Magni alij, certique cycli, nunc egredientes  
Signiferi, mundi que polis per centra πλαίντων,  
Necnon stellarum fixarum: nunc variorum

*Tangentes passim capitalia puncta locorum.*

*Vt sua dent stellis loca vera, alta, atque remota.*

*Sunt & quos prisca cyclos dixere domorum,*

*Qui in toto formant duodena palatia cælo:*

*Quorum naturas, usus, formas, rationes,*

*Cum libris poterit doctor monstrare peritus.*

QVATVOR circulorum minorum cælestis  
sphæræ descriptio, usus, natura ac situs: in pri-  
mis Tropici Cancrī, siue æstivalis & solsticia-  
lis circuli.

CAPVT XVI.

*I*Am dictis cyclis poteris sociare minores

*Qui per inæquales diducunt cœlica parteis:*

*Qualis censetur quem verè Cancer adoptat,*

*Æstiuūque sibi desumit nomen ab æstu.*

*Nam Sol hīc propriū motus dum contigit altam*

*Metam, præualidos æstus iaculatur ad ima:*

*Atque illinc satagit sensim descendere, nec non*

*Vorsuram facere, hinc Tropico dans nomen, & vni*

*Solstitio: non quòd vel cesset, vel stet ibi Sol,*

*(Qui solitum cursum nunquam est dimittere visus,*

*Ni fortasse semel, Domino sic præcipiente.)*

*Sed, quòd per lucas aliquot, nusquam varientur*

*Nobis ad sensum, quævis vmbra capitales,*

*Et summæ: nec item crescat, vel sit minus ex se*

*Luminis ac noctis spatium: coniungimus istis*

*Inde datum nomen Tropico, vt sensere priores,*

*Quòd Sol à borea hīc sese conuertat ad austrum.*

*Pro magna bonitate Dei: qui protinus vni  
Omnia non confert, sed multis diuidit, vt vult.*

*Tropici Capricorni, seu brumalis & solstitialis  
alterius circuli, descriptio, vsus, natura & situs.*

CAPVT XVII.

**A** *Bruma cyclus brumalis rite vocatus,  
Frigida fulgentis capit incunabula Solis:  
Nam veluti hic nascens, sensim perreptat in altum:  
Ac lucem gratam, tenebris cedentibus, illinc,  
Crescendo reuocat, tepidis comitantibus auris  
Paulatim, proprio motu, proprioque rotatu,  
Quo tibi presentem cyclum describere pergit,  
Dum partes primas rigidi scandit Capricorni,  
Ac agitur subita cœli vertigine summi.*

*Hinc ad nos alacris rediens, nostrumque reuisens  
Inde solum, austrinis frigus, glaciemque, niuesque  
Insinuat sensim, factusque remotior illis,  
Impertit nobis æstum, gratumque calorem:  
Vt fructus faciant, hominumque, bouumq; labores,  
Frigore laxato, niuibûsque, & grandine fusis.*

*Terdenas partes Antarcticus, ac duodenas  
Distat ei: Aequator vicenas atque quaternas,  
Vnam si demas, necnon terdena minuta:  
Id quod rite potes Tropico præscribere Cancri,  
Nam Phœbi tanta est nunc declinatio summa.  
Hinc tu perspicuè noscis, quod vterque cyclorum  
Istorum est Solis limes: nam non abit vltra,  
Seu sursum spectes, seu deorsum lumina flectas.*

Deinde

Deinde quòd æstiuus maiori extenditur arcu  
 Supra tellurem, quàm subter: quò fit, Vt illinc  
 Maiorem lucem Titan mortalibus edat,  
 Atque breueis tenebras, nisi mauis dicere noctes.  
 Oppositum brumalis habet: quapropter adaugēt  
 Noctes, & luces breuiat borealibus oris:  
 Nam secus austrinis contingere, nemo negabit.

Circuli Arctici, seu borealis, descriptio, vsus,  
 natura & situs. CAP. XVIII.

Vnus ab his superest, extremo proximus axi  
 Circul⁹ ad boreā: qui quòd geminas tenet ἀρκτικός  
 Ἀρκτικός à Græcis, vulgari nomine fertur,  
 Sidera concludens liquidum fugientia pontum:  
 Quæis occasus & ortus abest, per climata multa.  
 Ille, polo mundi vicienis, atque quaternis  
 Distrahitur gradibus, si tollas pauca minuta:  
 Signiferique polo totus describitur idem:  
 A Cancro tropico terdenis ac duodenis  
 Distans particulis, nisi me sententia fallit.

Tetamen hîc nouisse velim, quòd circulus iste  
 Multis Astronomis, veluti Proclo, & Cleomedi,  
 Semper visarum limes proponitur esse  
 Stellarum: hinc varius, pro cœli climate, habetur:  
 Hîc maior, minor illic, denique maximus isthic.  
 Vt sphaera est positus, necnon ipsa vna polorum  
 Ad Finitores varia exaltatio, nota  
 His qui ex Aequante ad boream procedere tentant:

*Ergo, sub Aequatore videbitur Arcticus esse  
 Nullus: propterea quòd ibi cuncta astra pateſcunt,  
 Nulla occultantur: ſed mox lateſcet cuncti  
 Ad boream, ſub quo narratur maximus eſſe:  
 Nam cum Finitore, Aequantéque conuenit illic.  
 Quod quàm ſit verum, doctos cenſere relinquo.*

*Circuli Antarctici, ſiue australis, deſcriptio, uſus,  
 natura, & ſitus.* CAPVT XIX.

*H*ic nobis reſtat de paruis quattuor, vnus  
 Circulus, auſtrinas qui claudit & obſidet Vrfas  
 (Si tamen hîc aliquas vltro concedis aſſeſſe)  
 Arctoo oppoſitus, quod nomen præbuit illi.  
 Quantum noſter abeſt ſublimi à cardine mundi,  
 Tantundem aduerſo cenſetur proximus iſte:  
 Quem terris preſſum, notius proſpectat Horizon:  
 Atque Capri tropico terdenis ac duodenis  
 Partibus eximitur: velut à Cancro borealis:  
 Signorúmque poli motu formatur ad vnguem.  
 Sed non intactum maneat, quoſcunque minores  
 Hoſce cyclos, retinere polos maioribus uſque  
 Communes: quibus eſſe paralleli aſpiciuntur:  
 Ac ſemper ſpatiis æqualibus vndique abeſſe.

*Circulos alios minores, à iam dictis, quampluri-  
 mos in cœleſti ſphæra deſcribi, ac fingi.*

CAPVT XX.

*N*on ignorabis cœlum pleroſque minores,  
 A modò deſcriptis, alios agnoſcere cyclos:

*Vt sunt qui ultra Aequatorem, citraque diurno  
Solis finguntur motu, lucemque figurant  
Actenebras, quavis terrarum parte, sitique,  
Siue aequales, seu vulgares respicis horas:  
Et quotquot circa capitalia puncta locorum  
Descripti, spatium latum boream modò versus,  
Ac austrum modò, si ex Aequante recesseris illuc,  
Ostendunt: mutantque horas & tempus, eundo.*

*Addam quos fixæ mensurant, atque planetae,  
Illorum vt pateat data declinatio sursum.  
Si quæris reliquos, librorum docta supellex,  
Aut sphaerae interpretes facili tibi suggeret ore:  
Qui sint, quid valeant, quos usus denique præstent.  
Sedulus hunc audi, hunc perquire, hunc vise libenter.  
Sed tantum id peragent, quos ingeniosus amavit  
Ephorus, ac ardens euexit ad æthera virtus.*

*Nullos circulos, nec item axes cum suis polis,  
motum ex se habere: imò ne in cælo re vera  
subsistere.*

## CAPVT XXI.

**N**E tu me quidquam dicas celasse, monebo  
Nullos in cælis cyclos agnoscere motum,  
Qui sit eis proprius, qualem tibi sidera formant.  
Sed Finitorem, atque mensuræ pioy bene tolles:  
Non quòd se moueant, sed quòd mutantur eundo,  
Atque subinde noui veniāt, surgantque, cadantque:  
Quod potes & reliquis cælorum ascribere cyclis:  
Quos mutari adigit mutatio longa locorum.

*Hinc, tantum poteris boreæ procedere ad oras,*



*Vt Cynosura tuo Veniat cum vertice recta:*

*Et Cancrī signum liceat capitale videre:*

*Austrum prater ea versus concedere tantum,*

*Vt liceat rutilum sidus spectare Canopi,*

*Et capiti impendere tuo signum Capricorni.*

*Quod nautæ superant hodie qui per mare currunt,*

*Atque novas magnoscrutantur pectore terras.*

*& Hi stellas, cælumque novum sic, semper cundo,*

*Inveniunt: Finitoresque,  $\mu\sigma\kappa\upsilon\mu\epsilon\rho\varsigma\ \pi$*

*Mille novos, & mille vagos, & mille fugaces:*

*Nullum Aequatorē, nullum Cancrū, Capricornum*

*Nullum: ni veniant sub eos longè peragrandō.*

*Concludes ergo, hos cyclos nobis remoueri,*

*Atque propinquare, huc nunc, nūc illuc properando:*

*Sed mutare locum nequaquam, ut scripsimus antè.*

*Porrò, non credes vllos consistere, & esse*

*Re uera in cælus maiores, siue minores*

*Cyclos corporeos: nec rursus axesque, polosque:*

*Nil graue sursum habitat, nil illic materiale est,*

*Et nil compositum, simplex est vndique cælum.*

*Te tamen admonco, si gaudes fortè moneri,*

*Hos laudare homines, reuereri, semper amare,*

*Qui summo ingenio, & superis dictantibus, olim*

*Talia sunt nobis commenti, ut cœlica quæuis*

*In nostrum veniant vsum, & monstrentur aperte.*

*Fœlices animæ, quibus hæc cognoscere primum,*

*Inque domos superas tam dextro scandere cursu*

*Cura fuit: nostrisque oculis distantia longè*

*Sidera, ceu digito notissima reddere : summè  
 Fœlices tumuli, quibus insunt ossa virorum  
 Tantorum: ô cineres bis, tērque, quaterque beatos!  
 Credibile est illis violas innascier, atque  
 Lilia, stelligerosque deos habitare sepulchra  
 Clarorum Astronomūm, & natorum sidere fausto:  
 Quis fuit, est, & erit, notum per secula nomen.*

Cœlestem sphæram, positis hætenus circulis  
 multiplicibus circumscriptam, duplicem esse:  
 hoc est, dupliciter, respectu terræ, contemplari.

## CAPVT XXII.

**P**. Aulò antè expressi maiores atque minores  
 Cycli præcipui, propria sub imagine cœlum  
 Obiectant oculis: summum dico, atque supremum:  
 A quo multi orbes aliȳ clauduntur, & vna  
 Tellus, ac elementa, modo quo scripsimus antè.  
 Hîc sphæras alias à prima, iure tacemus,  
 Doctis Phænomenis multorum ex ordine notas.

Ergo hîc cœlestis generatim sit tibi picta:  
 Quam non absurdè duplicem fecere priores:  
 Vna est obliqua ac declinuis, & altera recta.  
 Quod tumor, atque globus terræ præstare videtur,  
 Ad sensum mutans sphæra positūque, polosque.

Quid sphæra recta, & quînam propriè sub  
 ea habitare dicantur. Adhæc, cur ita appelletur.

## CAPVT XXIII.

indi-  
ha-  
herã  
, &  
illa sic  
r.

**Q**uisquis utrūque polum prospectat rite locatum  
In finitoris labro, is censetur habere  
Directam spheram, estque sub Aequatore repostus,  
Cum quo Finitor sphaerales exhibet anglos  
Ac rectos: id quod sphaera recta dare nomen  
Iure potest: sub ea quotquot versantur, apertum  
Undique habent coelum: ac illic numerantque, videntq;  
Surgentes stellas omnes, omnesque cadentes.

atio  
latu  
re

Addo quod his adsunt anno aequidialia toto,  
Hi que vident Solem, bis summum, bis capitalem,  
Umbrarumque gerunt quinas ex ordine formas.  
Non desunt etiam qui rectam dicere malint,  
In qua verticibus polus imminet: iisque locatur  
Ad perpendiculum: necnon Aequator habetur  
Pro Finitore: estque illic reuolutio tota  
Anni labentis, clausa una nocte, dieque.  
Nam senis hic nox, & senis mensibus est lux:  
Verum erecta mihi haec, potius quam recta putatur.

pro-  
recta

Rectam alij censent merito debere vocari,  
Quod Finitori incumbant axisque, polique,  
Ad rectum positum: & cum Aequate μεσημβριος angulum  
Constituatur rectum, ac sphaeralem, verticis ipso  
In puncto exacte: quod sphaera non habet ullus,  
Hunc praeter, positus, veluti res ipsa docebit.

Quid sphaera obliqua : & quinam sub illa  
proprie dicantur habitare. Ad-  
haec, cur ita appelletur.

## CAPVT XXIIII.

**C**Vi polus vnus erit sursum, vergétque deorsum  
Alter, declini sphaera supponitur, vltra  
Aequantem, aut citra: velut ars demonstrat, itérque.  
Aequidialis ibi cum Finitore receptus,  
Obliquos anglos format: quotquot residebunt  
Hic, cœli facies illis non tota patebit,  
Nec stellas omneis manifesta nocte videbunt:  
Quoque magis sursum tendet polus, hoc magis infrà  
Descendet cœlum: crescétque dies magis illic:  
Quæ non semper erit tenebris æqualis: vt vna est  
In recta sphaera, sicut monstrauius antè.

Vis dicam paucis multa? obliqua incola sphaera  
Agnoscit recta contraria singula, quando  
Aequantem longè linquens, ad vtrunque polorum  
Accedit magis, vt ratio deposcit. ista  
Sat fuerint, nam sunt cœlis compendia grata.

Quin  
cantu  
bere  
obliq  
& d

Incola  
qua s  
nihil  
mune  
re, cu  
bitato  
recte  
ra.



COSMOGRAPHIÆ ANTO-  
NII MIZALDI MONLVCIANI,  
Liber tertius.



AVCA quidem, sed magna tamen, vi-  
deo superesse,

Musa, tibi: quid suspiras? dum sacra  
fauebit

Vranie, pandetque viam, omnia tuta

putato:

Nil cunctare igitur nobis ostendere paucis,  
Quemnam rite locum tenet inter sidera, quibus  
Circulus antè tibi scriptus, maiòrue, minòrue:  
Et quâ ducit iter: vel cuius imaginis ille  
Excurrit partis: præsertim hoc tempore nostro.  
Hancce nouam doctis aperi, te quaeso, fenestram:  
Primâque quod nulli tentarunt, fortiter aude:  
Immortale decus dant parui sæpe labores.

Sex maiorum circulorum cœlestis sphaeræ de-  
signationes, & loca ut hodie in cœlo iacent,  
& ab aliis distingui possunt, Zodiaci in pri-  
mis.

CAPVT I.

S Ignifer ex propriis Signis describitur aptè:  
Cui in Libra Aequator concurrit, Lanigeròque.

A boreâ

*A borea Cancrum, Capricornum tangit ab austro.  
Cetera percurrent, si forsitan scire laboras,  
Zodiacus noster: sic libro nomen habetur.  
His ergo paucis contentus, cetera nosce.*

Zod  
uis  
scrip

Aequatoris circuli designatio, ut hodie in cœlo  
iacet, & à reliquis distingui potest.

## CAPVT II.

**H**ic ubi Lanigerum Aequator secat, haud pro-  
cul illinc,

*Per caput incedit Ceti: & mox ungula Tauri  
Vtraque præcedens, ferme contingitur eîdem:  
Tum demum ex scapulis medius refecatur Orion:  
Lactea deinde via, unguiculis Procyo quoq; flagrans:  
Post hunc perreptat seuæ & longæ caput Hydræ:  
Hincque pedes imos festinat adire Leonis.*

Aeq  
desig  
inter  
ad p  
strin  
Zod

*Hæc secat Aequator: vel saltem singula tangit  
Extra Signiferum, ac ipsis in partibus austri.  
Hunc intra, rigidi boreæ de parte, pererrat  
Virginis ille idem corpus, necnon Ophiuci:  
Et cum Lactæ, Aquilam, cui Pegasus additur vnus  
De capite, & cauda Delphinus, Piscis & alter:  
Hic ubi Lanigerum repetit quâ venerat antè.*

Desig  
Aeq  
ad b  
ext  
diac

Meridiani & Horizontis locus, ac designatio.

## CAPVT III.

**S**ignari nequeunt in parte  $\mu\sigma\theta\eta\mu\epsilon\lambda\epsilon\sigma$  vlla,  
Et cœli visis, à non viso sector Horizon:

50 ANTONII MIZALDI  
Ni sit de forma, quam paulò scripsimus antè:  
Quod videas : nam sunt cycli plerunque fugaces.

Coluri Aequinoctiorum locus & designatio  
in cælo.

CAPVT IIII.

**C**yclus hic, à summo nascentem Vertice mundū  
Permeat, Arctophylaca petens per terga Dra-  
conis:

omnia  
elesta  
ad un  
descri  
tueri

Extremámque secans Hydrā, mediúmque sub astris  
Centaurum, oppositum rursus percurrit ad axem,  
Hinc Cetum calcans, squamosáque tergora Ceti:  
Necnō Lanigerū, & Libram, clarúmque Trigonū,  
Andromedaéque sinus imos, fastigia matris:  
Principiúmque suum, repetito hic cardine claudit.

Coluri Solstitiorum locus, & designatio in  
cælo.

CAPVT V.

ti cir-  
qui-  
globis  
busnō  
guun-  
aliis,  
se.

**I**N præcedentem cyclus hic procumbit ab axe,  
Pérque pedes, necnon ceruicem transilit Vrsæ:  
Quam septem stellæ primam, mox Sole remoto  
Producunt, nigrae præbentem lumina nocti.  
Hinc Cancrū à Geminis dirimit, stringitque flagrātē  
Ore Canem, clauúmque Ratis de vellere notæ,  
Inde axem aduersum per gyri signa prioris  
Opposita, atque alio rursus de limite tangit  
Te, Capricornē, tuisq; Aquila, hic te calcat in astris,  
Pérque Lyrā inuersam currens, spirásque Draconis,



*Posteriora pedum Cynosurae proterit illic,  
Transuersam resicans vicino in cardine caudam:  
Hic ubi se claudit tadem, memor unde profectus.*

Circuli Lactei, qui inter maiores cœli circulos  
à plerisque recensetur, designatio, & locus in  
cœlo.

## CAPVT VI.

**C**irculus in cœlo manifestus nocte serena,  
Necnon conspicuo candore notabilis (ex quo  
Lacteus Astronomis, iusta ratione, vocatur)  
Inter maiores cyclos plerisque refertur:  
Qui bene in aduersum positas succedit ad Arctos,  
Et paulum à boreæ tractu sua fila reducit:  
Transitque illustris per sidera Cassiopeæ.  
Inde per obliquum descendens tangit Olorem,  
Ac Aquilam, Telum, Serpentis denique caudam,  
Temporâque æquantem cyclum, Zonâque ferentē  
Solis equos, intra caudam quâ Scorpius ardet,  
Necnon Cheironis summum, extremumque sagittæ.  
Thuribulum petit hinc, Aram dixere vetusti:  
Deinde suos sinuat flexus per crura, pedesque  
Centauri alterius, rursusque ascendere cœlum  
Incipit: Arginâque ratem per aplustria summa,  
Atque Canē à capite excipit: & Tropicū Capricorni  
Diffecat: inde pedes lambens fratrum Geminorum:  
Hic ubi Signiferum rursus perreptat, & vnum  
Mox inuadit Erichthoniū: réque unde profectus,

Lact  
li, s  
lact  
gnat  
cher

De  
glob  
sunt  
da.

*Cassiopea petens, super ipsum Persea transit:  
Orbēque inceptum à te, in te concludere pergit.*

*Cyclus hic, ut dixi, est candore notabilis: unde  
Non querendus erit multum: nam lumina pulsat  
Sponte sua, seque ipse docet, cogitque videri.  
Utque suos arcus per nubila circinat Iris,  
Mortalesque rapit pulchra ad spectacula sursum:  
Sic super incumbens stellato in culmine, limes  
Candidulus, resupina facit mortalibus ora,  
Hosque ad coelorum miracula prouocat ultro.*

Ratio nomenclaturę Lactei circuli, qui Græcis  
est γαλαξία. CAPVT VII.

**N**on hinc celanda est famę vulgata vetustas:  
Olim de niueo lactis fluxisse liquorem

*Pectore Regina Diuūm, cælumque colore  
Infecisse suo: quapropter Lacteus orbis  
Dicitur, & nomen causa descendit ab ipsa.*

*An maior densa stellarum turba coronâ  
Contextit flammæ, & multo lumine candet,  
Ac fulgore nitet collato, & luce refusa?*

*An fortes animæ, dignatæque nomina cœlo,  
Corporibus resoluta suis, & carcere fracto,  
Huc remigrant celeres, summūmq; habitâtia tēplū,  
Aethereos viuunt annos, ac luce fruuntur?*

*An verò Phaëton currus auriga paterni  
Pessimus, aërios tractus incendit, & illis,*

*In signum genitor vestigia nota reliquit?  
Sed hæc ad Græcos redeant figmenta poetas:  
Et cœptum repetamus iter, fœlicibus astris.*

Quatuor circulorum minorum cœlestis sphaeræ,  
locus & designatio: Arctici in primis, siue bo-  
realis.

## CAPVT VIII.

**A** Rcticus, à binis vocitatus circulus Vrsis,  
Ex toto Cynosuram includit: deinde Draconem,  
Partitur medium, Cepheumque, hinc Cassiopeam  
Tantillum attingens, necnon Helices caput, à quo  
Hunc extra cyclum spectatur tota iacere.

Breui  
script  
ctici c

Tropici Cancri designatio & locus, vt nunc  
in cœlo iacet.

## CAPVT IX.

**P** Er caput, & dorsum constat transire Leonis  
Hunc cyclum, Arcturumque ferire ad fœmina,  
necnon

Serpentis riētum: poteris cui iungere rectè  
Engonasis humerum, dispersaque semina Lactis:  
Ac alam Cygni: post quam se Pegasus offert  
De crure, et cubito Andromede pulcherrima Virgo,  
Necnon & Piscis gelidas qui vergit ad Vrsas:  
Deltatónque fere, queis addes cornua Tauri,  
Cum Geminis: Cancrum hinc repetēs, se colligit illic.

Circu  
stital  
prius  
astra

Tropici Capricorni designatio & locus,  
vt hodie in cœlo iacet. CAP. X.

*lis  
desi-  
inter*

**A**Egocœrata patrem cognoscit circulus iste:  
Përque pedes transit Fusoris, & illius vndam,  
Hinc Cetũ à cauda, Eridanũ, Leporẽmq; , Canẽmq;  
Maiorem truncans: dein riuum Lactis, & Argo,  
Hydræ præterea seuam: cui desuper astant  
Crater cum Coruo: petit illinc Scorpion, ac mox  
Cheironis caput, extensũque arcum, atque sagittã:  
Hic vbi curriculum cœptum concludit ad vnguem.

Antarctici circuli designatio & locus.

CAPVT XI.

*i An-  
i desi  
non-  
ogni-*

**N**on constat, nec scitur adhuc, Antarcticus iste  
Circulus, vnde queat certò describer: & sunt  
Qui Arctoum dicat per cuncta referre: quod vnũ  
Nos doceat, videantque, precor, qui partibus illis  
Explorant pelago terras, cœlũque remotum:  
Quancquã, qui Aequanti subsunt, discernere norũt.

ADMONITIO in superiora.

**N**olim te lateat, quòd erunt aliquot reuolutis  
Hinc seclis, omnes scripti positũsque, sitũsque  
Cyclorum cœli maiorum, siue minorum,  
In longè varia signorum parte, locoque,  
Quàm tibi sit dictũ: nam sidera quæ modò formas  
Constituunt, per quas decurrit linea cyclum

Describens, sedes immutant: nanque per annos  
 Centum, cuncta gradu vno, à sede priore recedunt,  
 Incessu proprio, tardo, lento, atque remisso,  
 Signiferi in longum numeratis partibus: in quo  
 Si perstant, sedes positas, mihi crede, relinquent  
 Quotquot sunt cycli, quos paulò scripsimus antè:  
 Verùm hæc ad nostros referatur cura nepotes.

Quòd Mundo, de quo hætenus scriptum, ap-  
 positè quadret Sphæræ nomen: ipsùmque  
 Vniuersum Sphæra mundi rectè vocetur.

## CAPVT XII.

CORpus quod solidum est, & clauditur vna  
 Rite superficie, Astronomis id Sphæra vocatur:  
 In cuius medio est punctum, à quo semper ad ipsam  
 Vsque superficiem, si multas limite recto  
 Ducas lineolas, æquales vndique surgent  
 Inter se: velut ars demonstrat, & indicat vsus.  
 - Quādo igitur mūdus, solidū, plenūq; (quod ipsa  
 Detrectet vacuum natura) agnoscitur esse  
 Corpus, perfectè, ac ex omni parte rotundum,  
 In cuius medio, ceu centrum, terra locatur,  
 (Vt tibi perspicuè & fusè monstrauiamus antè)  
 Hinc verè Mundi totius machina, Sphæræ  
 Nomen habet, de qua hæc paucis scripsisse, satis sit.

## GEOGRAPHICA QVÆDAM

EX SUPERIORIBVS PENDEN-  
tia & colligenda.

Quinque Zonarum terrestrium, quæ totidem  
parallelis circulis in cœlo respondent, &  
præcipuas mundi regiones constituunt, de-  
scriptio, temperatura, ac situs, iuxta veterum  
traditiones.

CAP. I.



Quinque parallelis, vt scripsi, cingitur  
orbis

Cœlorum: atque plagæ totidem tellure  
premuntur:

Quarum quæ media est, vix est habi-  
tabilis æstu:

Semper Sole rubens, & torrida semper ab igni.

at-  
me  
Vnde hîc vruntur, siccisque teguntur arenis

Deserti, tetro serpentum afflamine, campi,

vt tradunt veteres: sed quos deridet aperte

da  
i.  
Horum qui migrant illuc sententia: quiue

Per mare discurrunt variè, & noua regna salutant.

Namque die, valido quod Phœbi incanduit æstu,

Humida nox reficit, paribûsque refrigerat horis:

Præsertim sub cyclo Aequante, & circiter illum:

ill  
oxi-  
in-  
npe.  
Vt tibi paulò post clarè monstrare studebo.

Quæ cœli extremis subsunt, dextrâque, sinistrâ,

Perpetua glacie horrescunt, ac nubibus atris:

Has inter, Tropicósque, duæ, pro munere Diuûm,

Cesserunt

*Cesserunt homini, atque ibi viuere posse dederunt:  
 Quadam temperie, mixta cum frigore flamma,  
 Fine, & principio, parua: ad medium, mediocri:  
 Hanc nos incolimus, contráq; , Antichthones illam:  
 De quibus hicce locus me inuitat scribere pauca.*

*De Antichthonibus, qui vulgo Antipodes  
 dicuntur.*

*CAP. II.*

**A***ntipodes Grecis, necnon Antichthones, hi sunt  
 Qui plantas nobis obuertunt ex diametro,  
 Ac summæ opposita nobis tellure fruuntur.  
 Et quamuis habitent, vel agant sub vertice cœli  
 Nostro persimili, eodem Finitore deorsum,  
 Atque utriusque vrantur (ne crédito nugas)  
 Atque parallelo, à simili Aequatore remoto,  
 His commune tamen nil prorsum agnoscimus esse  
 Nobiscum: quod sic paucis ostendere pergo.*

*Cum Sol æstatem nobis vehit, opprimit illos  
 Tristis hyems: quando lux periuunda, diēsque  
 Nos visit, tenebræ somnos his vndique suadent:  
 Dum nobis oritur Phœbus, tunc occidit illis,  
 Et contrá: rursus, quoties longissima nobis  
 Lux fulget cum nocte breui, longissima nox est  
 His cum luce breui: in summa, contraria seruant  
 Cuncta, licet fiant vna & simili ratione:  
 Sed nunquam simul, ac pariter, me iudice, rectè,  
 Vt spectare licet solido de corpore sphaeræ.*

*H*



Antipodes reuera esse, contra multorum opinionem.

CAPVT III.

**A**ntipodes verè norunt, ac esse fatentur  
Qui soluant ex occasu, veniuntque per ortum  
Ad dices Indos, & fama ac nomine notam  
Taprobanam rebus pretiosis nobilitatam,  
Rursus in occasum redeunt, orbe peracto.

Nec non qui à borea, exploratis ordine Zonis,  
Austrino tentant axi supponere sese:  
Quod dum perficiunt, sataguntque explere, profectò  
Quàm sit diuersa in rebus natura creandis,  
Et quàm diuerso mutantur tempora tractu,  
Agnoscent, seu mores, victum, aut aëra spectes.

Nullas hodie terrestres Zonas, siue mundi partem,  
inhabitabiles dici debere. CAP. IIII.

**C**redibile est, quòd terra habitatur tota: nec ullus  
Est locus, aut Zona vlla, in qua non viuere possint.

Mortales, aptisque sibi componere sedes:  
Sit licet immodicum frigus, vel maximus aestus,  
Illic assidue: natura vbi tristia fixit  
Læta adhibet, crebrò miscens aduersa secundis.  
Atque vbi dat morbos, medicamina debita gignit.

Ergo, ubicunque calor summus reperitur, ibidem  
Vel vasti montes, vel frigida flumina, & ades,  
Aut sylvæ umbriferæ, & multis cū fontibus amnes,  
Deinde specus multi, loca subterranea multa  
Hic sunt, quæ possunt homines defendere ab aestu.

Addo quòd ferme illic est nox æqua diei,  
Quæ Solis radios æquato frigore frænât:  
Vnde fit, vt Zonam mediam non esse putemus  
Desertam omnino, multos sed habere colonos,  
Arte, ac ingenio, & naturæ munere tutos.

Zonæ etiam extremæ, quas non habitariæ aiunt,  
Assiduis niuibus præssas, glaciæque perenni,  
Possunt rite coli: vt ratio non lubrica suadet:  
Maxima nanque locis lignorum copia in illis  
Nascitur: & fiunt illic hypocausta, grauésque  
Vestes, ex variis animantium pellibus: vnde  
Frigora propulsant homines, hyemique resistunt:  
Innumerisq; modis glacies eludere norunt:  
Congrua non etiam desunt alimenta, cibósque  
Indigenas partim, partim illuc vndique vectos  
Accipiunt largè: & quæcunque augere calorem  
Internum, externumque valent, sibi sedulo quærunt.

Non igitur verum est, quod nos prisci docuerunt,  
Vnius tantum Zonæ partem, exiguamque,  
Naturam humano generi tribuisse colendam:  
Et reliquum terræ desertum prorsus, ab ipsis  
Piscibus, atque feris, duntaxat semper haberi.  
Ah, foret indignum certè hoc: Natura minoris  
Fecisset nos, quàm bruta: imperiûmque dedisset  
In terris maius, quàm homini, & spatiosius illis.  
Quare, si qua fides adhibenda est vera loquenti,  
Haud dubiè tellus tota est habitabilis, & nil  
Obstat quin possint mortales viuere vbiq;:

*Naturæ auxilium in rebus non deficit ullis,  
Ingeniûmque hominis durissîma quæque refringit.*

De mundi climatibus, & illorum distinctioribus  
parallelis geographicis, cum recepta cuius-  
que nomenclatura: & quod plura climata, quàm  
septem statui debeant. CAP. V.

**C**limata dicuntur terræ intervalla, duobus  
Clausâ parallelis, quibus est descriptio sursum:  
Sed similis fingenda tibi, & formanda deorsum,  
Verum, aliter quàm nunc de Zonis egimus: vnde  
Quisque parallelus horæ quadrante, propinquum,  
(Vt medius horis clima) exuperâtque, fugitque:  
Si rectè numeres ex Aequatore, polorum  
Alterutrum versus: qui solus ubique, diei  
Et nocti semper horas tribuit duodenas,  
Dum Phœbus proprio motu comprehenderit illum.  
Adde quòd hîc tractû medium, mediâ quoq; sedem  
Mundi cõstituunt, qui docta Mathemata tradunt.  
Si placet Astronomos veteres audire, sequique,  
Duntaxat septem numerabis climata, tali  
Ordine, per Meroen, per Niliacâmque Sienen,  
Et per Alexandri quæ nomen vendicat urbem,  
Pérque Hellespõrû, atque Borysthenis ostia, pérque  
Riphæos monteis, quibus additur vltima Thule:  
Inde per ἀρτίδαν contraria climata ponunt,  
Queis dant imparibus spatiis, noctésque, diésque.  
At non te fugiet, nos rectè climata plura

Tradere, ut esse solent varia incrementa dierum:  
 Maiorem ergo diem, vicenis atque quaternis  
 Horis, si constare dabis, qua parte polorum  
 Itur ad extrema, hinc tu septem climata tantum,  
 Non facies, sed, ut est par, vicena atque quaterna:  
 Quæ horas bisseñas ex Aequatore reportant.

Hæc quanto propius veniunt ad utrunque polorum,  
 Tanto crede minora: quod hinc se sphaera coarctet,  
 Ac ibi sint tractus breviores, atque minores,  
 Quam sub cyclo æquante dies, vel non procul illinc,  
 Ob medium, ad quod quæ accedunt maiora videntur.

Si quotnam gradibus nunc à se climata distant,  
 Atque paralleli, vel ab Aequatore, reposcis,  
 Te ad libros mittam in quibus hæc traduntur ad vnguē,  
 Aut ad præclarum doctorem, perfacilemque:  
 Nam sunt quæ hic scribi nequeunt, contenta doceri.

Locorum longitudes quomodo constitu-  
 endæ, & distinguendæ. CAP. VI.

**H**ic ego te nolim demum nescire, quod una  
 Linea, quæ terras Fortunæ excurrit, ab axe  
 Arctoo surgens, & in illum deinde (sed ipso  
 Dissecto in geminas partes Aequante) recurrens  
 Per cælum Antipodū, quo tractu Sol venit ad nos,  
 Primum constituit, formátque  $\mu\sigma\sigma\mu\epsilon\gamma\iota\omicron\nu$ : à quo  
 Emanare solet distantia longa locorum,  
 Exortum versus properando, tramite recto.

*Sic per utrunque polum quætransit linea quæuis,  
 Pérque loci punctum, qui Zenith dicitur, illa  
 Hic proprium cuius, verumque μέσημβριον adfert,  
 Quem patrium agnoscit telluris quælibet ora:  
 Ut præcedenti libro monstrare studebam.*

Locorum latitudines quomodo excipien-  
 dæ & distinguendæ. CAP. VII.

*ID spatium latum est, quod ab Aequatore recedit  
 Ad boream, sursum: vel ab austri parte, deorsum:  
 Donecerit ventum sub punctum verticis, ipsum  
 Siue μέσημβριον qui punctum hoc truncat ad vnguē.  
 Elatique poli gradibus respondet ubique:  
 Sicut nos fusè, & multis monstrauimus antè.*

De gradibus longitudinum seu meridianorum,  
 & quot horis in terra respondeant, geogra-  
 phica quædam . CAP. VIII.

*Quemque μέσημβριον censent superare propinquū,  
 Quindenis gradibus: qui reddunt protinus  
 horæ  
 Vnius spatium: quantòque μέσημβριis exit  
 Longius à medio nocteis æquante, diēsque  
 Orbe, magis coiēns geminum angustatur ad axem:  
 In quo dum terras metiris, sedulus esto:  
 Et semel, atque iterum quæ sit proportio quære:  
 Tantisper dum nos meditabimur hoc tibi scriptum.*

De gradibus latitudinum, seu parallelorum,  
geographica quædam. CAP. IX.

**Q**uisque gradus sub cyclo Aequante, & non nihil  
ultra,

In latum, stadiis respondet ubique locorum

(Ni fortasse polos versus, vel ad ultima mundi)

Quingentis, nisi sit Ptolemæus vana loquutus:

Quem legat, et relegat cui docta  $\mu\alpha\theta\eta\mu\alpha\tau\alpha$  rident.

Inde, polos versus variat mensura, modusque.

Sed mensurarum tu hîc nomina, fortè, requires:

Quæ magnos usus, & maxima commoda, rebus

His adferre queunt: ne quid tibi velle negare

Me dicas, facile, ac paucis, aduerte, docebo.

Geographicarum mensurarum nomencla-  
tura aliquot. CAP. X.

**E**x hordei granis, Digitus sit, quattuor, unus,

In latum positus, seque attingentibus, ipso

Præcipue ventre: ut res postulat, & docet usus.

In Palmo digitus quater est: quater in Pede palmus.

Passum quinque pedes faciunt: passus quoque centum

Quinque ac viceni, Stadium dant: Mille, repostum est

In stadiis octo; duplicatum dat tibi Leucam

Nostratem: aut duo, si sic manus, millia. Quidquid

Scribendum restat, viva tibi voce magister

Exponet: necnon doctissima scripta virorum

Vni g  
magni  
li in c  
respon  
quing  
stadia  
ra: se  
cas 31.  
licana

Quid  
graphi  
Digitu  
Palmu  
Pes.  
Passus  
Stadium  
Miliar  
Leuca.

*Qui res cœlorum tractarunt lege soluti:*

*Nam, ut suprâ monui, non omnia possumus omneis:*

*Nec quocunque loco possunt rectè omnia scribi:*

*Addam quòd breuitas cœlis gratissima res est:*

*Necnon & doctis, qui magna, ac seria tractant.*

*Hi, si nostra probant, satis est: quid rustica latret*

*Turba, parum curo: nam eius laus, dedecus ingens*

*Personat: à doctis laudari, est gloria summa:*

*Quod mihi dignetur concedere Christus IESVS.*

COSMOGRAPHIÆ ANTO-

NII MIZALDI, FINIS.





# ENCOMIUM DOCTI

ASTRONOMI, ET PERITI

*rerum cœli Interpretis, Asclepiadeo*

*choriambico monocælo*

*contextum.*

AVTORE ANTONIO MIZALDO

MEDICO ET MATHEMATICO.



EMPER visa fuit conditio mihi  
Perdocti Astronomi, non reliquis modò  
Maior, sed melior, splendidior quoque.

In primis, studium, curaque sordida  
Terræ, non potis est flectere ad infima  
Illum: sed vehitur summus in æthera,  
Sublimi feriens vertice sidera:

*Laus docti  
Astronomi  
neglectis for  
tuna bonis*

Illic ut liceat vivere cum choro  
Diuinæ Vranix mille modis sacro:  
Qui, tanquam miseros esse procùl iubet,  
Quos auri rutilans illaqueat nitor  
Blandis funiculis, mortiferis tamen:  
Quos ingens grauitas præpedit altius  
Reptare, ac potius consequier bonum:  
Et quos magnificæ nobilitant opes:  
Quos sortu redditus multiplici fluens,  
Quos distenta nouis horrea frugibus,  
Quos vino valido vasa tumentia,  
Quos mensæ dapibus pontificalibus  
Instructæ celebrant, ac populariter  
Acceptos faciunt, atque foris beanti

Hos(inquam)Vrania fidereus chorus,  
Ceu telluris onus,cœlitibus nimis  
Inuisum,refugit,fulminat,expuit:

*Nihil com-  
ercij cælo  
m volu-  
atibus.* Quæis,vel iure bono,connumerabimus  
Hircorum,atque suum sordidulos greges:  
In quorum stabulis præcipuam tenent  
Sedem,molliculi Sardanapalij:

Necnon ventricolæ mille Epicurij:  
Qui cælum spoliant viribus,& Deum  
Non curare homines turpiter astruunt,  
Dum Baccho & Cypriz sacra perimpia  
Nocteis atque dies perpetuant: nihil  
Ducentes melius,nobilius nihil,  
Post vanos titulos,vanâque nomina,  
Et dona instabilis perpetuè Deæ:

*Fortune cū  
cælo malè  
conuenire.* Quæ florent hodie, fluxâque cras iacent.  
Se non Astronomus talibus impedit:

Qui cum cœlitibus cœlica possidet  
Fœlix regna:quibus(turre velut situs)  
Quàm circo positas res hominum breui,  
Quàm clausas humili valle præcūl videt!  
Quàm ridet miseros terricolas! Deus!  
Quantis inde malis hos notat affici?  
Et quot mortiferis cladibus impeti?

*Fœlix ad-  
modum A-  
stronomi cō-  
ditio.* Quot furtis,gladus,dissidiis,dolis,  
Vnumquemque alium persequier? bene  
Dum sursum residet tutus in æthere.  
Sic est Astronomus Cæsare, siue quid  
Illo maius habes,mille beatior  
Causis,mille modis maior,& altior.

*Pulchra si-  
militudo &  
summè no-  
tanda.* Vt celfo volitans sub solio Iouis  
Per Phœbi radios Rex auium, solet  
Deorsum tardigradas temnere cochleas,  
Muscas,vermiculos,puluerem situm:  
Sic summum volitans summus ad æthera  
Dum vult Astronomus,despicit infima:  
Ac vileis hominum ridet ineptias:  
Et quæ constituunt eximiè bona

Multi terrigenæ, diuitias, togam,  
Fastus purpureos, cornigerum caput,  
Nec non mille tibi cognita, negligit:  
Affectans aliud nobilius bonum.

Non hunc chara soli detinet arca,  
Non gemmæ, aut lapidum splendor amabilis  
Huic auferre potest fidereum iubar:  
Non vani tituli, somnus & ocium:  
Aedes marmoreæ, pulchra palatia:  
Seruorum strepitus, milléque fercula.

Is castæ Vranix discipulus, parum  
Re vera ista facit: noscere sat putans  
Motus sidereos, vim Senis algidi,  
Vim faustæ Veneris, Mercurij quoque:  
Quid cum Maſte ferat Iupiter aureus:  
Quando bella cadent: cur premat anxia  
Illum pauperies: huic diademata  
Quem finem referent: quid statuent equi  
Tingentes rutilos ad mare Atlanticum  
Soles: adiiciet quæ mora noctibus  
Tardis obstiterit: rursus ubi ignea  
Aestas emicuit, cur breuioribus  
Nox adſit tenebris, lux eat amplior.

Quid porro exoriens, & pariter cadens,  
Mundo flammivomus Seirius imprimet:  
Et quid Pleiades, quid Hyades, simul  
Arcturus, Procyon, Hædulus, & Lyra,  
Ac Præſepe, & Oriónque, Coronaque.  
Hæc cuncta Astronomus dum bene percipit,  
Dum tot perfruitur commoditatibus,  
Non eius studium, gloria, dignitas,  
Sors, & conditio nubibus obtegit  
Splendores alios, iuræque destruit?

Hæc sunt magna quidem, sed nihil, aut parum  
Admiranda putes, ſi modò quæ dabo  
Spectas: Astronomus mille, vel ampliùs,  
Annis antè, poteſt dicere quo loco  
Eclipses populum concutient metu:

*Hæc legant  
ambitioſi  
mortales.*

*Astronomus  
alter hominem  
quàm mor-  
talis.*

*Rerum cæl-  
Philosophi  
incredibilis  
& ſumma  
fælicitas.*

*Cælum do-  
ctus Astro-  
nomus peruiſum  
eſſe.*

*Astronomus  
peritus &  
doctus, alter  
re vera Pro-  
pheta.*

Et qua parte poli prospicier queant:  
 Quis exinde plagis, aut regionibus  
 Mundi, & qua facie parturient mala:  
 Quonam mense cadent: quis color imminet:  
 Et quàm longa premét damna: quibus modis:  
 Non per bella, famem, pestiferam luem:  
 Aut morbos alios: per pluuias, gelu,  
 Ventorum rabies, intolerabilem  
 Aestum: præterea, non ferientur his  
 Aut bruta, aut homines: quæ bene singula  
 De ipsis aëriis ignibus, & vagis  
 Crinitis, etiam sedulò iudicat.

*Mira præni-  
 tio Astrono-  
 ms.*

Addo, quòd latrans tempora dicere  
 Scit, queis veliuolum Luna tumescere  
 Compellet pelagus, mòxque quiescere.  
 Scit terræ vnde tremor, quando futurus est,  
 Et quando illuies: fulmina stridula  
 Dum nubes parient: quando tonitrua  
 Surgent: quando niues, quandòue grandines:  
 Et quo mense cadent, vel potius die:  
 Qui mores hominum: qui stiles erunt  
 Anni: qui Cereris munere, diuites  
 Reddent agricolas, mustâque porrigent:  
 Quæ stellæ pluuias, flamina quæ dabunt:  
 Necnon & nebulas, sudâque tempora:  
 Arctoum Boream, cum madidis Noti  
 Pennis, & Zephyrum floribus vtilem:  
 Euri viuificos denique spiritus  
 Cælum quando suis motibus adferet,  
 Cum ventis fociis, & lateralibus,  
 Seu terram peragres, seu mare nauiges.  
 Sic est Astronomi gloria maxima,  
 Ingens præterea laus, decus, ac honor.

*Ex his colli-  
 ge, Astrono-  
 mum (siqui-  
 dem volet)  
 diuitem fie-  
 ri posse.*

Vt Solis radians igniferi iubar,

*Altera simi-  
 litudo pul-  
 chra & ele-  
 gans.*

Stellas, eximio lumine fulgidas  
 Non dicam superat, sed remouet procùl  
 Ex nostris oculis, obtenebrat quoque:  
 Sic docti Astronomi conditio sacra,

Et splendor rutilans (inuidia locus  
Hic absit) titulos, magnificè graueis,  
Et vulgi phaleras consepelit: nec non  
Obscuris tenebris voluit, & implicat:  
Is, quod nemo potest, vrbibus exprimit  
Qui morbi immineant, & quibus irruent  
Anni temporibus, qualis hyems erit,  
Quid ver arboreis floribus aduehet:  
Aestas quid segeti, denique vitibus  
Autumnus quid aler, de vario situ,  
Aspectu, radiis, motibus, impetu  
Astrorum: quibus est imperium datum  
In res quas gremio terra capit suo,  
In res aërias, res pelagi quoque:  
Queis addes hominum corpora, sicuti  
Nos diffusè aliis persequimur libris.

Hæc, inquam, Astronomus præuidet: vnicus  
Re vera sapiens: excipio rudes,  
Plebeiósque aliquot, Mercurio bene  
Irato genitos: qui leuiter nimis  
Res cœli maculant, experienciæ  
Nil, vsus minimùm, iudicij parum  
Aut fortasse nihil, præterea minùs  
Artis (proh hominum, pròhque Deùm fidem!)  
Callentes. sed in his plus satis immoror:  
Expertum Astronomum, nec populariter  
Edoctum repeto: qui ad numeros vocat  
Stellas, & proprio nomine quamlibet  
Compellat, proprio collocat & loco:  
Dicit quot breuibus nocte micent notis:  
Magnarum quota sit prima, secundæve:  
Quo quærenda modo quælibet: indicat  
Quæ mensura polis, quanta profunditas:  
Immensum spatiis æthera diuidit:  
Formas in varias sidera colligit:  
Huic semper superi regna patent Iouis:  
Hunc Dij symposiis, ac epulis suis  
Quando vult adhibent: hunc adamant, ei

*Astronomus  
doctus, re  
ra magnu  
ac sapien.*

*Res cœli o  
docto Ast  
nomo apt  
esse ac ex  
sitas.*

Perdulcem ambrosiam, & nectar inebrians,  
 Cœlestesque dapes sedulò proferunt:  
 Paucis, hunc decorant, & variè beant:  
 Vnde est Astronomi conditio boni,  
 Et fors æthereis edita sedibus,  
 Non dicam reliquis nobilior, sed &  
 Maior, ditior, ac magnificentior.

*Doctum A-  
 ronomum  
 recreations-  
 us non ca-  
 re villo tē-  
 ore, dum  
 versatur in  
 xlis.  
 enatio in  
 xlo.*

Dicet fortè aliquis, quòd caret omnibus  
 Quæ corpus recreant, ac animum fouent,  
 Solers Astronomus, fidereas domos  
 Lustrans, suspiciens, perpetuò colens:  
 Hunc cœli exhilarant innumeris viis:  
 Huic dant mille modos, millèque machinas  
 Laxandi ingenij. vis sequier feras?  
 Mox venator adest dexter, & impiger  
 Sylvarum Arctophylax incola: qui duas  
 Vrsas, & Leporem peruolucrem dabit,  
 Armentique patrem detegit eminus:  
 Ac arcu, & iaculiste quoque munit:  
 Ardentèsque Canes illico seliget:  
 Quorum dente cadent & Lupus, & Leo:  
 Aurigas & Equos, Plaustràque proferet:  
 Queis vel difficilem conficies viam.

*Aucepsium.*

Auceps si fieri fortè moueberis,  
 Corui illic, Aquilæ, Vultur, Olor, volant.

*ificatio.*

Gestis insidias tendere piscibus?  
 Huc translatus aquis Eridanus suis,  
 Multos ac varios sedulò congeret:  
 Vt Cetum taceam cum regradario  
 Cancro: præterea Pisciculos duos,  
 Aut treis (si notium connumeris eis)  
 Delphinumque, maris, deinde poli decus.

*Digladatio*

Si fortasse iuuat digladiarier,  
 Orion rutilans ensifer irruet.

*Nauigatio.*

Si contrà studeas æquora scandere,  
 Argo nauis erit, magnàque fusio

*ustificatio.*

Vndarum. gregibus vis operam dare?  
 Hircum, Lanigerum, cornigerum Caprum,

Vel dicto citius conspicias ibi.  
Cum summis ducibus, principibus quoque  
Versari satagis? perfacili manu  
Iunges, ac socios efficies tibi,  
Cepheum peruigilem, magnanimum Hercule,  
Necnon historiis Persea cognitum.

*Aulicorum  
uersatio.*

Tén' blando alloquio femina, splendido  
Aspectuue capit? se offeret illico  
Formosa Andromede, Cassiopeaque.  
Vis gustare Diis nectar amabile?  
Cratera inuenies mellisfluum. placet  
Cantu, vel moduliste, simul & tuum  
Restaurare animum? percelebris Lyra  
Orpheî, mox oculis profiliet tuis.  
Affectas superis sacrificare Diis?  
Illic Ara patet. frigora pellere  
Exoptas? varij (conticeo Focum)  
Ignes, viuificis vsque caloribus  
Sursum perpetuo lumine splendant  
Noctes atque dies, infima, summâque  
Lustrantes, vegeto denique spiritu  
Afflantes. quid habes, aut petis amplius?  
Rex ambis fieri? cœlica numina  
Te ornabunt rutilo mox diademate.

*Amatoria  
in cælo.*

*Cōpotatio*

*Musica.*

*Sacrificatio.*

*Dominatio  
& potest.*

*Delectatio  
Ludi &  
ioci.*

*Omnium d  
plinarum,  
artium of  
na in cælo*

Vis cum candidula virgine, dulcibus  
Verbis, tristitias excutere ingeni?  
Cælum rite dabit. cum pueris cupis  
Ludis atque iocis ocia fallere?  
Surgent Tyndaridæ sedulo paruuli.  
Vis cum doctiloquis, & grauib. viris,  
De regno, studiis, militibus, foro,  
Castris, diuitiis, corporeis bonis,  
De rebus medicis, rebus agrestibus,  
De legum placitis, atque mathesibus,  
De sacra sophia, mechanicis quoque  
Disceptare? tibi mox aderunt, senex  
Saturnus, Venus, & Iupiter optimus,  
Necnon Mercurius, Cynthia denique,



Et Mars, Phœbus item, turbâque plurima  
Patrum cœlicolûm, docta, vetus, bona,  
Quæ promptè, & modico tempore, quod rogas  
Facundè expediet. vis tibi pingier  
Cyclos, lineolas, puncta, triangulos,  
Orbeis, aut aliud tale? mora breui,  
Cœlum quidquid id est proferet. insuper,  
Odisti tenebras? nil nisi lux micat  
Sursum. vis rutilas, vis oculis tuis  
Gemmas de radio non tolerabiles?  
In cœlo resident milia milies.  
Quiduis fiderei regia fert poli.

Prudentem Astronomum participem sui  
Reddit consilij Iupiter: hunc suam  
Mentem sæpè docet, certâque signa dar,  
Queis tanquam trutinâ singula ponderet  
Quæ sunt, præterierunt, venient quoque.  
Sed finem facio, dum modò dixerò.  
Tantas Astronomum res domino Deo  
Acceptas positâ ferre superbiâ:  
Quarum notitiâ, transit ad illius  
Veram notitiam. Dic, quid habes, homo,  
His maius, melius, magnificentius?  
Nil sanè. ergo mihi perpetuò bene  
Visa est Astronomi conditio probi  
Et docti, reliquis esse beatior,  
Ac præstantior, illustrior, altior,  
Maior, splendidior, nobilior quoque.

FINIS ENCOMII DOCTI ET  
periti rerum cœli interpretis, seu Astrologi, auto-  
re ANTONIO MIZALDO, Medico &  
Mathematico, Lutetia.

VA1  
1555146